



Ársskýrsla
lögreglustjórans á
höfuðborgarsvæðinu

2015

Ársskýrsla

2015



LÖGREGLUSTJÓRINN Á
HÖFUÐBORGARSVÆÐINU

Útgefandi: Lögreglustjórinn á höfuðborgarsvæðinu
www.lrh.is
www.facebook.com/logreglan
Umsjón og ábyrgð: Upplýsinga- og áætlanadeild
Gunnar Rúnar Sveinbjörnsson

Myndir: Foto.is sf.
Prentun: Litlaprent
Umbrot: Litlaprent
Útgefið í ágúst 2016

Efnisyfirlit

ÞJÓNUSTA VIÐ BORGARANA ER OKKAR MEGINHLUTVERK.....	4
SKIPURIT	7
HELSTU MARKMIÐ LRH	8
EMBÆTTIÐ Í HNOTSKURN.....	10
HELSTU VERKEFNI LÖGREGLUNNAR Á HÖFUÐBORGARSVÆDINU	12
Manndráp og líkamsárásir	15
Innbrot og þjófnaðir	19
Umferðarefirlit	22
Banaslys og hraðakstursbrot.....	24
Fréttir úr umferðinni	27
Kynferðisbrot og heimilisofbeldi	29
Rán og fjársvik	32
Fíkniefnamál	35
Alþjóðlegar lögregluaðgerðir	37
Slysið í Reykdalsstíflu	39
Saman gegn ofbeldi	41
Menningarnótt	42
Óvenjuleg verkefni	44
Lögreglan og samfélagsmiðlar	46
Viðhorfskönnun	48
Eitt og annað	49
Áherslu- og skipulagsbreytingar	52
REKSTUR.....	54
Rekstrarreikningur	56
VIÐAUKAR	58



Þjónusta við borgarana er okkar meginhlutverk

Það er með miklu stolti vegna starfa Lögreglunnar á höfuðborgarsvæðinu sem ég lít yfir árið 2015. Vissulega einkenndist árið af margvíslegum breytingum og miklum áskorunum hjá lögreglunni. Kjarabaráttu lögreglumanna tók sinn toll og samningar voru samþykktir með litlum mun og mikil óánægja ríkir enn með þá samninga ef marka má nýlega könnun SFR.

Fátt er jafn brýnt og að efla samstöðu og starfsanda innan lögreglunnar. Til þess að það megi takast þarf margt að koma saman. Við tókum eitt skref í þá átt á árinu með skipun menningarhóps sem á m.a. að rýna niðurstöður áður nefndrar starfsánægjukönnunar og gera tillögur að úrbótum. Töluverðar sveiflur hafa verið í niðurstöðum hennar undanfarin ár. Embættið var í 86. sæti í könnuninni árið 2007 en fór niður í 157. sæti árið 2011, 165. sæti árið 2012 og var í 145. sæti árið 2015. Þegar könnunin er rýnd kemur í ljós mikil óánægja með kjör, aðbúnað og stjórnun. Sérstaka athygli vekur að starfsmenn telja sig hafa lítinn stuðning frá næstu yfirmönnum og að streita í starfi er mjög mikil hjá embættinu. Þá vekur athygli að ímynd stofnunarinnar út á við hefur beðið hnekki hjá starfsmönnum og má ætla að neikvæð umræða um lögregluna og einstaka starfsmenn embættisins hafi haft áhrif þar á.

Breytingar settu, sem áður sagði, mark sitt á árið. Tekið var upp nýtt vinnulag varðandi heimilisofbeldi og fjölgaði málum í kjölfarið úr um 20 málum á mánuði í ríflega 50 mál á mánuði. Um 400 fleiri fjölskyldur en áður fengu þannig aðkomu lögreglu og er mikill meirihluti lögreglumanna ánægður með þessar breytingar samkvæmt könnun sem gerð var í fyrra. Þær hafa einnig fengið stuðning margra úti í samfélaginu.



Þá voru gerðar breytingar á skipuriti embættisins með það að markmiði að stytta og einfalda boðleiðir, auk þess sem tvær lögreglustöðvar voru sameinaðar og hlutverki kynferðisbrotadeildar breytt, svo eitthvað sé nefnt. Breytingarnar gengu vel og þeim lauk að mestu á nýliðnu ári. Fjárveitingar til löggæslumála voru áfram naumt skammtaðar en við trúum því að leiðin liggja upp á við og að fjölgað verði í lögreglu að nýju á næstu árum, þegar byrjað verður að útskrifa háskólanema með gráðu í lögreglufræðum.

Við sem störfum í lögreglunni vitum að þjónusta við borgarana er okkar meginhlutverk. Til að geta uppfyllt þetta hlutverk þá þarf aðbúnaður lögreglunnar og starfsskilyrði að vera góð. Hafa ber í huga að þeir sem starfa í lögreglunni þurfa oft að glíma við erfiðar aðstæður og áskoranir sem ekki er unnt að ræða opinberlega. Umfjöllun um aðgerðir lögreglu þarf því að vanda, rétt eins og um aðra opinbera aðila sem sinna viðkvæmum málefnum, og hafa í huga að sjaldan er öll sagan sögð.

Þegar lítið er yfir árið blasir við að margt hefur áunnist og starfsmenn embættisins hafa ítrekað sinnt mikilvægu samfélagslegu hlutverki sínu með þryði. Ég vil þakka starfsmönnum embættisins fyrir einstakt þolgæði, dugnað og óeigingjörn störf sín í þágu almennings, nú sem áður fyrr.

Sigríður Björk Guðjónsdóttir, lögreglustjóri.








Lögreglustjórnin á höfuðborgarsvæðinu

Skipurit

Ársskýrsla 2015



HELSTU MARKMIÐ LRH

Miklar kröfur eru gerðar til Lögreglunnar á höfuðborgarsvæðinu og hún þarf jafnframt að vera tilbúin að takast á við nýjar áskoranir. Lögreglan á að vera í takt við tímann og viðbúin að breyta áherslum sínum. Nýtt skipurit embættisins, sem kynnt var í júlí árið 2015, tekur mið af örri þróun flóknari og alvarlegri brota sem lögreglan stendur frammi fyrir. Alþjóðavæðing þar sem brot teygja sig til fleiri landa er veruleiki sem verður að horfast í augu við. Samhliða þarf að tryggja öryggi og öryggistilfinningu þeirra sem búa, starfa og dvelja í umdæmi Lögreglunnar á höfuðborgarsvæðinu. Það er grundvallarmarkmið embættisins og hvergi var slakað á í þeim efnum. Áfram var horft til fækkunar brota á nokkrum afmörkuðum sviðum (eignaspjöll, innbrot, þjófnaðir og líkamsárásir) og gekk það misvel. Tilkynningum vegna minni háttar líkamsárása fjölgaði, en hafa þar hugfast breytt verklag lögreglu í heimilisofbeldismálum á höfuðborgarsvæðinu.

Nýjar áherslur og markmið lúta m.a. að heimilisofbeldismálum, sem voru tekin föstum tókum. Nýtt verklag kallaði á breytta skráningu mála hjá lögreglu og skýrir það að verulegu leyti fjölgun tilkynninga um líkamsárásir árið 2015. Hegningarlagabrotum fjölgaði annars á milli árána 2014 og 2015, en sérrefsilagabrotum fækkaði. Lítil breyting varð hins vegar á fjölda umferðarlagabrota, en þau markast gjarnan af frumkvæðisvinnu lögreglu. Þótt áhugavert sé að gera

samanburð á afbrotatölfræði milli ára er ekki síður mikilvægt að skoða þróun mála yfir lengra tímabil. Þannig fjölgaði innbrotum nokkuð í umdæminu frá 2014 til 2015, en innbrot á höfuðborgarsvæðinu árið 2015 voru samt helmingi færri en fyrir fimm árum.

Afbrotatölfræði gefur góða mynd af stöðu mála, en viðhorf íbúa til starfa lögreglu er sömuleiðis þýðingarmikið. Lögreglan á höfuðborgarsvæðinu stóð fyrir viðhorfskönnun sumarið 2015 og hefur raunar gert svo um margra ára skeið. Framkvæmd hennar var í höndum Félagsvísindastofnunar HÍ, en spurt var um viðhorf til lögreglu, ótta við afbrot og reynslu af þeim. Mikill meirihluti (90%) á annað þúsund svarenda taldi lögregluna skila mjög góðu eða frekar góðu starfi við að stemma stigu við afbrotum í umdæminu. Fjallað er ítarlega um könnunina í skýrslunni *Viðhorf til lögreglu, ótti við afbrot og reynsla af þeim*, en hana má nálgast á lögregluvefnum.



Embættið í hnotskurn



Heimildir:
Fólksfjöldi: Hagstofa Íslands
Flatarmál sveitarfélaga: Landmælingar Íslands, upplýsingaveita sveitarfélaga

Höfuðb. sv.

Ísland

 Mannfjöldi	 Hlutfall af Íslandi	 Fjöldi erlendra	 Hlutfall erlendra	 Fjöldi ríkisfanga	 Stærð í km²
----------------------------------------------------------------------------------------------	-------------------------------------------------------------------------------------------------------	---------------------------------------------------------------------------------------------------	-----------------------------------------------------------------------------------------------------	------------------------------------------------------------------------------------------------------	-------------------------------------------------------------------------------------------------

211.282	64,2%	14.692	7,0%	136	1.043
---------	-------	--------	------	-----	-------

329.100	100%	22.744	7,0%	141	102.698
---------	------	--------	------	-----	---------



239
karlar



52
konur

Lögglumenn **291**



27
karlar



54
konur

Borgaralegir starfsmenn **81**

Fjöldi ökutækja í lok árs 2015



4

Merktar
stórar bifreiðar



31

Merktar
fólksbifreiðar



8

Ómerktar
fólksbifreiðar



12

Bifhjól

Samtals **55**

Akstur ökutækja í kílómetrum árið 2015



853.205

Akstur merktra
ökutækja



186.018

Akstur ómerktra
ökutækja



90.941

Akstur bifhjóla

Samtals **1.130.164**

HELSTU VERKEFNI LÖGREGLUNNAR Á HÖFUÐBORGARSVÆÐINU

20. maí

STÖNDUM SAMAN GEGN OFBELDI

Á nýju ári hefur verið unnið að verkefni sem snýr að bættu verklagi þegar kemur að meðferð mála sem snúa að ofbeldi á heimilum hjá Lögreglunni á höfuðborgarsvæðinu. Vegna þessa erum við einkar stolt af þeim árangri sem náðist á föstudaginn síðasta þegar undirrituð var samstarfsyfirlýsing um átak gegn heimilisofbeldi með bæjarstjórum Kópavogs, Hafnarfjarðar og Garðabæjar, en Sigríður Björk Guðjónsdóttir, lögreglustjóri, ritaði undir yfirlýsinguna fyrir okkar hönd. Reykjavíkurborg og Mosfellsbær hafa þegar ritað undir svipaða yfirlýsingu.

Lögreglan á höfuðborgarsvæðinu hefur með þessu náð að festa í sessi verklag sem tryggir markvissari viðbrögð og úrræði gegn ofbeldi á heimilum. Markmiðið með verkefninu er að tryggja öryggi borgarana og koma í veg fyrir ítrekuð brot. Við viljum senda skýr skilaboð um að lögreglan, í samvinnu við sveitarfélög, mun ekki

Margvísleg verkefni komu á borð Lögreglunnar á höfuðborgarsvæðinu árið 2015. Mörg þeirra voru eftirminnileg og vöktu mikla athygli. Líklega ekkert þó jafnmikið og fjárkúgunarmál, sem var til rannsóknar hjá embættinu snemma sumars. Polandinn reyndist vera forsætisráðherra Íslands og málið því afar óvenjulegt. Rannsókn málsins gekk vel, en meintir fjárkúgarar voru gripnir glóðvolgir þegar þeir hugðust sækja peningana sem krafist var. Nokkru seinna kom annað mjög óvenjulegt mál til kasta Lögreglunnar á höfuðborgarsvæðinu. Það var af allt öðrum toga, en sneri að karlmanni af erlendum uppruna. Sá var grunaður um að smita ungar konur af alvarlegum smitsjúkdómi. Vegna alvarleika málsins var maðurinn úrskurðaður í gæsluvarðhald til nokkurra vikna.

Hefðbundin verkefni voru hins vegar fjölmörg, en skráð hegningarlaga brot í umdæminu voru rúmlega 9.000. Að jafnaði voru það um 25 hegningarlaga brot alla daga ársins, en þá er átt við líkamsárásir, innbrot, þjófnaði, eignaspjöll, nytjastuldi og kynferðisbrot, svo eitthvað sé nefnt. Fjöldi tilkynntra brota getur sveiflast frá einu ári til annars og svo var einnig þetta árið. Það á m.a. við um kynferðisbrot, en fleiri nauðgunarmál voru til rannsóknar hjá Lögreglunni á höfuðborgarsvæðinu en árið á undan. Þegar kemur að sérreftilaga brotum vegur þungt að fíkniefnabrotum fækkaði verulega árið 2015.

líða ofbeldi á heimilum og beita öllum sínum kröftum til að berjast gegn því.

Með verklaginu er þjónusta við þolendur heimilisofbeldis bætt til muna, málin eru rannsökuð betur og upplýsingar um úrræði og eftirfylgni aukin. Þá fá gerendur aðstoð í formi ráðgjafar og boð um meðferð. Sérstaklega er hugað að börnum og öðrum í viðkvæmri stöðu sem búa við heimilisofbeldi. Þannig vinna lögregla og sveitarfélög saman sem ein heild að bættum hag þeirra sem verða fyrir slíku ofbeldi.

Að vinna gegn ofbeldi á heimilum er verkefni okkar allra – stöndum saman gegn ofbeldi.

lrh.is

Ofbeldisbrotum fjölgaði á höfuðborgarsvæðinu árið 2015, en taka verður með í reikninginn nýjar áherslur embættisins í heimilisofbeldismálum. Breytt skráning þeirra verkefna hjá lögreglu hefur mikil áhrif þegar afbrotatölfræði ársins er annars vegar. Ef einvörðungu er litið til stórfelldra líkamsárása í umdæminu eru litlar breytingar á fjölda þeirra mála frá síðasta ári. Fjölmargar, alvarlegar líkamsárásir voru samt til rannsóknar, en tvær þeirra leiddu til dauða. Snemma árs var lögreglan kölluð að húsi í Hafnarfirði, en innandyra fannst látinn karl um fertugt. Á honum var stungusár, en sambýliskona mannsins var handtekin á vettvangi og úrskurðuð í gæsluvarðhald. Síðla hausts var annað manndrápsmálið til rannsóknar hjá Lögreglunni á höfuðborgarsvæðinu. Þá barst henni tilkynning um alvarlega líkamsárás í húsi við Miklubraut í Reykjavík. Þar var karl um sextugt úrskurðaður látinn á vettvangi, en ljóst var að honum hafði verið ráðinn bani með eggvopni. Karl á fertugsaldri var handtekinn í þágu rannsóknarinnar, en mennirnir voru báðir búsettir í húsinu.

Lögreglan á höfuðborgarsvæðinu átti mjög gott samstarf við önnur lögreglulið á árinu, bæði heima og erlendis. Nauðsyn slíkrar samvinnu verður seint tíundað og getur skipt sköpum. Mikilvægi þess við rannsóknir fíkniefnamála þekkja flestir og árið 2015 gaf það enn og aftur góða raun. Um langt skeið hefur Ísland haft starfandi tengslafulltrúa hjá Europol, en Lögreglan á höfuðborgarsvæðinu tók einmitt þátt í alþjóðlegum lögregluaðgerðum Europol.



30. janúar

VIRTI EKKI LOKANIR

Þær eru margvíslegar aðstæðurnar sem fólk kemur sér í. Í nótt barst lögreglu aðstoðarbeiðni frá manni á þrítugsaldri sem sat fastur í bíl sínum á fjallvegi nálægt höfuðborgarsvæðinu.

Maðurinn sagðist vita upp á sig skömmina, hann hafi ekið framhjá lokunarskiptum en má æxlást þannig að hann hafi fest jepplinginn sinn og væri nú strandaglópur. Maðurinn var spurður hvort að hann hafi reynt að fá aðstoð vina eða fjölskyldu, en sá fasti kvaðst ekki hafa viljað vekja það fólk um miðja nótt en vildi óska eftir aðstoð björgunarsveita. Lét maðurinn fylgja með að hann greiddi sína skatta og ætti því rétt á aðstoð.

Björgunarsveit var send á vettvang en þegar hún komst til mannsins kom í ljós að maðurinn var klæddur í lakkskó og leðurjakka, en úti var 7 stiga frost. Nægt eldsneyti var þó á bifreiðinni og hún heit og notaleg. Ekki tók þó betra við þar sem að maðurinn reyndist mjög ósáttur við björgunarsveitamennina sem neituðu að draga jepplinginn heldur eingöngu að koma strandaglópnum til byggða. Stóðu björgunarsveitirnar við það, en maðurinn má búast við að þurfa að leita leiða til að koma ökutæki sínu til byggða þegar dagar.

lrh.is

Þetta árið leiddu þær m.a. til viðamikilla aðgerða á haustmánuðum, en í þeim var unnið gegn innflutningi stera, sölu, dreifingu og framleiðslu þeirra. Árið 2015 lögðu lögregla og tollgæsla hald á töluvert magn af bæði amfetamíni og kókaíni. Minna var hins vegar haldlagt af marjúana en árið á undan.

Umferðarmál voru áfram í brennidepli, en embættið hefur kappkostað að leggja sitt af mörkum til að fækka umferðarslysum. Sýnilegri löggæslu og eftirliti í umferðinni var framhaldið, en þrátt fyrir góða viðleitni tókst ekki að fækka umferðarslysum í umdæminu. Þau voru að meðaltali eitt á dag og rúmlega það. Þegar litið er til talna um banaslys í umferðinni á höfuðborgarsvæðinu er niðurstaðan skelfileg, en fimm létust í umferðarslysum árið 2015. Það er mikill viðsnúningur frá árinu 2014, en þá varð ekkert banaslys í umferðinni í umdæmi Lögreglunnar á höfuðborgarsvæðinu. Það sýnir glögglega að hægt er að ná góðum árangri, en til að svo megi verða þurfa allir vegfarendur að leggjast á eitt.

Óhjákvæmilega vöktu ákveðin mál, sem lögreglan rannsakaði, óhug almennings og hafa nokkur þeirra þegar verið nefnd til sögunnar. Rán í bankaútibúi í Reykjavík í árslok var jafnframt eitt þeirra, en ræningjarnir komust undan á stolnum bíl með óverulega fjármuni. Leit lögreglunnar að þeim var mjög viðamikil, en málið var upplýst fljótt og vel og ræningjarnir, tveir tvítugir piltar, úrskurðaðir í gæsluvarðhald. Við verknaðinn notuðu þeir hníf og eftirlíkingu af skammbyssu. Myndir náðust af ræningjunum og voru þær birtar í öllum helstu fjölmiðlum landsins, en í kjölfarið bárust lögreglu fjölmargar ábendingar um mennina. Hér á eftir er farið frekar yfir helstu verkefni Lögreglunnar á höfuðborgarsvæðinu árið 2015. Tekið skal fram að tölfærði embættisins fyrir sama tímabil er að finna í skýrslunni *Afbrot á höfuðborgarsvæðinu* (útgef. 2016).



8. október

LAUGARDALSVÖLLUR – TILMÆLI VEGNA FLYGILDA (DRÓNA)

Lögreglan á höfuðborgarsvæðinu hefur sett fram þau tilmæli að flygildum verði ekki flogið í Laugardalnum laugardaginn 10. október, frá kl. 12 til 24, en sama dag mætast Ísland og Lettland í undankeppni EM. Nánar tiltekið er um að ræða knattspyrnuleikvanginn og 500 metra radius í kringum hann. Þetta er gert til að gæta öryggis áhorfenda og leikmanna, en beiðni þess efnis barst lögreglu frá Knattspyrnusambandi Íslands.

lrh.is

MANNDRÁP OG LÍKAMSÁRÁSIR

Ofbeldisbrot voru fyrirferðamikil hjá Lögreglunni á höfuðborgarsvæðinu árið 2015, en embættinu bárust á annað þúsund tilkynninga um líkamsárásir. Meiri háttar líkamsárásir (218. gr. alm. hegningarlaga) voru um 150, en það er á móta og árið á undan. Minni háttar líkamsárásur fjölgaði hins vegar mikið. Þær voru í kringum 1.000 árið 2015, en rétt innan við 700 árið 2014. Breytingin á milli ára er sláandi í flestra augum, en á sér skýringu sem felst í breyttu verklagi lögreglu í heimilisofbeldismálum á árinu og skráningu þeirra brota hjá embættinu. Breytingin endurspeglast í tölfræði síðustu tveggja ára þegar hún er borin saman. Eðli málsins samkvæmt átti heimilisofbeldið sér iðulega stað innan veggja heimilisins, en þar er átt við ofbeldi milli skyldra aðila. Ef horft er almennt til brotavettvangs í líkamsárásarmálum er eitt svæði sem kemur iðulega við sögu, miðborg Reykjavíkur.

Hátt hlutfall ofbeldisbrota er framið í miðborginni, aðallega að kvöld- og næturlagi um helgar. Við þessu vill Lögreglan á höfuðborgarsvæðinu sporna, en reynslan frá fyrstu starfsárum embætt-



6. júlí

OFBELDISBROT Í MIÐBORGinni UM HELGAR – SAMFÉLAGSLEG ÁBYRGÐ

Frá árinu 2007 til 2015 hefur ofbeldisbrotum í miðborg Reykjavíkur fækkað um liðlega þriðjung, úr 534 brotum í 342. Fjöldi þeirra hefur hins vegar haldist nokkuð jafn frá 2011 og eru brotin 300 að meðaltali á því tímabili eða 25 færur á mánuði. Brotin eru misalvarleg með tilliti til meiðsla, allt frá minni háttar pústrum yfir í kýlingar og jafnvel spörk þar sem áverkar geta verið miklir. Þá eru ástæður þeirra mismunandi en langflest eru þau tilviljanakennd og má rekja til ölvunar.

Í því skyni að auka öryggi og öryggistilfinningu íbúa miðborgarinnar og gesta hennar og fækka þar ofbeldisbrotum, hefur lögreglustjórinn á höfuðborgarsvæðinu og ríkislögreglustjóri í sameiningu sett af stað tilraunaverkefni í sumar sem miðar að auknu sýnilegu eftirliti, meðal annars göngueftirliti og reiðhjólæftirliti auk þess sem stefnt er að fjölgun

isins sýnir að hægt er að fækka brotum með samstilltu átaki allra. Skemmtanalífið í miðborginni dregur að sér fjölda gesta um hverja helgi, en það á ekki að vera eins konar náttúru lögmál að því fylgi endalausar líkamsárásir. Liður í viðleitni Lögreglunnar á höfuðborgarsvæðinu til að bæta ástandið í miðborginni var verkefni hennar sem hófst í júní og stóð fram á haust. Það sneri að auknu, sýnilegu eftirliti, en embætti ríkislögreglustjóra tók jafnframt þátt í því. Markmiðið var m.a. að tryggja betra aðgengi að lögreglu og skemmri viðbragðstíma hennar og þar með að auka öryggi almennings á þessu svæði. Eftirlitinu var ekki síst beint að álagstímum og lögreglan lagði því sérstaka áherslu á sýnileika og viðveru í miðborginni aðfaranætur laugardaga og sunnudaga. Bæði lögregluliðin voru sammála um að verkefnið hefði gefist vel og árangurinn fælist ekki síður í þeim brotum sem var komið í veg fyrir með auknu, sýnilegu eftirliti á svæðinu. Framhald varð á verkefninu, en það var einnig vilji lögreglu, í samstarfi við hagsmunaaðila, að sameinast um ofbeldislausa og örugga skemmtistaði í Reykjavík og að því var unnið.

Tvö morð voru framin í umdæminu árið 2015. Það fyrra átti sér stað í vesturbæ Hafnarfjarðar um miðjan febrúar, en þar í kjallaraíbúð fannst látinn karlmaður um fertugt. Strax á vettvangi vöknúðu grunsemdir um að lát mannsins hefði borið að með saknæmum

eftirlitsferða á merktum lögreglubifreiðum embættanna. Þá verði aukinn þungi settur í eftirlit lögreglu í miðborginni aðfaranótt laugardags og sunnudags milli kl. tvö og fimm, en reynslan hefur sýnt að flest ofbeldisbrotin eiga sér stað á þeim tíma. Markmiðið er að koma í veg fyrir brot, stytta viðbragðstíma og auka hlutfall upplýstra brota.

Hvetur lögreglan aðra einnig til árvekni í þessu sambandi, að taka afstöðu gegn ofbeldi og gera þannig sitt til að fækka brotum. Verkefni lögreglu verður metið vikulega og mat lagt á árangur þess. Því lýkur formlega 15. september og verður þá tekin ákvörðun um framhaldið.

lrh.is

hætti, en stungusár var á líkinu. Sambýliskona mannsins var handtekin í íbúðinni og færð á lögreglustöð, en hún var úrskurðuð í gæsluvarðhald daginn eftir. Bráðabirgðaniðurstaða réttarmeinafræðings leiddi í ljós að maðurinn hafði látist af völdum stunguáverka sem á honum var. Vettvangsrannsókn lögreglu sýndi enn fremur fram á að blóð hafði verið þrifið á staðnum. Í íbúðinni fannst svo blóðugur bolur og á honum var gat eins og eftir eggvopn. Á vettvangi var jafnframt lagt hald á hníf, sem var ætlað morðvopn. Sambýliskonan, sem var á sextugsaldri, neitaði sök, en viðurkenndi að hafa bæði þrifið blóð í íbúðinni og skipt um föt á manningum áður en lögreglan kom á vettvang. Konan var dæmd í 16 ára fangelsi.

Seinni hlutann í október var aftur framið morð í umdæminu, en þá barst Lögreglunni á höfuðborgarsvæðinu tilkynning um alvarlega líkamsárás í húsi við Miklubraut í Reykjavík. Þegar hún kom á staðinn fannst karlmaður um sextugt sem hafði orðið fyrir líkamsárás og var hann úrskurðaður látinn á vettvangi. Lagt var hald á eggvopn, sem grunur lék á að hefði verið notað við verknaðinn. Karlmaður á fertugsaldri var handtekinn í þágu rannsóknarinnar og úrskurðaður í gæsluvarðhald, en bæði hann og sá látni voru búsettir í húsínu. Sakborningurinn játaði sök, en var ekki gert að sæta fangelsisvist þar sem hann var metinn ósakhæfur.







8. september

ÞJÓFNAÐIR UPPLÝSTIR

Lögreglan á höfuðborgarsvæðinu hefur upplýst nokkra þjófnaði í miðborginni undanfarna daga og komið hinum stölnu munum aftur í réttar hendur. Þar á meðal eru fjögur málverk, sem var stolið frá hóteli, en þau fundust síðar á tveimur stöðum í borginni. Karl á fertugsaldri var handtekinn vegna málsins og játaði hann sök. Skúlpútur var stolið úr Hallgrímskirkju og fannst listaverkið við húsleit nokkru síðar, en maður á sextugsaldri hefur gengist við brotinu. Íslenskum kvenþjófubúningi var stolið úr Ráðhúsinu um síðustu helgi, en búningurinn er kominn í leitirnar og var honum skilað í réttar hendur í morgun. Kona á sextugsaldri játaði aðild að málinu. Þá hefur lögreglan endurheimt verkfæri, sem var stolið úr húsnæði í vesturbænum og telst málið sömuleiðis upplýst.

lrh.is

INNBRÖT OG ÞJÓFNAÐIR

Rúmlega 1.000 innbrot voru tilkynnt til Lögreglunnar á höfuðborgarsvæðinu árið 2015 og fjölgaði þeim nokkuð á milli ára. Þrúnað mála hefur engu að síður verið til betri vegar undanfarin ár og innbrot í umdæminu voru helmingi færri árið 2015 en fyrir fimm árum. Þetta eru m.a. innbrot á heimili, en lögreglan leggur ávallt mikla áherslu á að upplýsa þau. Síðustu ár hafa innbrot á heimili verið um þriðjungur innbrota á höfuðborgarsvæðinu og virðist hlutfallið vera óbreytt. Innbrot í fyrirtæki voru líka áberandi, en þjófarnir sækjast eftir fjármunum af ýmsu tagi. Tölvubúnaður er þar á meðal, en í september var stolið fartölvum úr verslun í Kópavogi. Eigendur hennar höfðu áður orðið fyrir barðinu á innbrotspjófum, en að þessu sinni óku þeir á útidyráhruf verslunarinnar og fóru síðan inn í búðina og létu greipar sópa. Lögreglan rannsakaði einnig fjölmörg innbrot í bíla, en misvel gekk að upplýsa þau. Stundum voru málin þó upplýst nánast jafnharðan, líkt og þegar golfsett var tekið úr bifreið á Seltjarnarnesi. Það fannst í bifreið í öðru sveitarfélagi tæpum tveimur klukkustundum seinna. Ekkert er vitað um áhuga þjófanna á golfþróttinni, en þeir voru handteknir vegna málsins.

Lögreglunni á höfuðborgarsvæðinu bárust um 4.500 tilkynningar um þjófnaðarbrot árið 2015. Þar var október annasamur, en

25. maí

INNBRÖT Í BÍLA

Nýverið kom fram umræða um það hvort að innbrotum í bíla hafi fjölgað mikið í Garðabæ. Vegna þessa kannaði Lögreglan á höfuðborgarsvæðinu hvort að aukning hafi orðið í slíkum brotum. Skemmst er frá því að segja að frá áramótum hafa 10 innbrot í bíla verið tilkynnt í Garðabæ en slíkt er töluvert undir meðallagi miðað við önnur hverfi höfuðborgarsvæðisins.

Lögreglan fær reglulega ábendingar um að tilteknum brotum hafi fjölgað, stundum í ákveðnum hverfum, en þegar það gerist er strax skoðað hvort að þær ábendingar passi við tilkynningar um brot en ef grunur leikur á að afbrotum sé að fjölga er gripið til aðgerða skv. því.

Við brýnum fyrir eigendum ökutækja að tilkynna innbrot og þjófnaði, en ekki síður að gæta þess vel að læsa ökutækjum og skilja ekkert eftir á glámbekk sem kann að freista fingralangra. Því má bæta við að virk nágrennavarsla skilar sínu, en í því felst m.a. að fylgjast með grunsamlegum mannaferðum og láta lögreglu vita, ef þörf er á.

lrh.is

hlutfallslega flest innbrot voru skráð í mánuðinum. Innbrotum í hverjum mánuði fjölgaði eftir því sem leið á árið, en fækkaði síðan undir árslok. Þróun hnupmála var með svipuðum hætti, en þau náðu hámarki í september. Tilkynningar um farsímabjófnaði í umdæminu voru ríflega 600, en mörgum þeirra var stolið af gestum skemmtistaða í miðborginni. Þeir sem fara út á lífið um helgar hafa margsinnis verið varaðir við vegna þessa, en það virðist duga lítt. Tilkynningar um stolin reiðhjól voru hátt í 500, og fækkaði þeim á milli ára. Reiðhjólþjófvarnarmenjar fóru að láta til sín taka með vorinu, en flestum hjólanna var stolið um sumarið. Vélknúin ökutæki fengu heldur ekki að vera í friði, en nytjastuldur var daglegt brauð á höfuðborgarsvæðinu. Fjölgaði þeim um þriðjung á milli ára, en misjafnlega gekk að endurheimta ökutækin. Innbrot í ökutæki voru líka tíð, en lögreglan fékk um 330 tilkynningar þess efnis og fjölgaði þeim um helming á milli ára.

Polímæði er oft lykilatriði við rannsóknir mála og það sýndi sig þegar brotist var inn í skartgripaverslun í Hafnarfirði um verslunarmannahelgina. Þar tókst karli á fertugsaldri að brjóta sér leið inn í verslunarmiðstöðina Fjörð, en auk skartgripaverslunarinnar eru mörg fyrirtæki í húsinu. Maðurinn braut síðan gler í versluninni til að komast þangað inn og stela verðmætum. Tjónið hljóp á milljónum króna og virtist innbrotspjófurinn kunna vel til verka. Öryggismyndavélakerfi er í verslunarmiðstöðinni og náðust myndir af þjófnum. Þeim var dreift til fjölmiðla og í kjölfarið bárust lögreglu margar ábendingar. Grunur beindist fljótlega að ákveðnum manni, en sá neitaði sök og sagðist ekki hafa verið í bænnum á þessum tíma. Lögreglan varð þó enn vissari um aðild mannsins að innbrotinu eftir því sem vísbendingarnar hrönnuðust upp, en sporhundur var m.a. notaður til að reyna að leiða hið sanna í ljós. Um mánuði eftir innbrotið játaði maðurinn sök, en þá hafði lögreglan aflað ýmissa sönnunargagna svo að einungis tímaspursmál var hvenær kæmist upp um hann.



20. apríl

LÍKAMSÁRÁS – VITNI ÓSKAST

Lögreglan á höfuðborgarsvæðinu óskar eftir vitnum að líkamsárás sem átti sér stað á Lækjartorgi í Reykjavík á tímabilinu frá kl. 03.30 – 05.30 aðfaranótt annars í páskum, mánudagsins 6. apríl, en þar var ráðist á karl á þrítugsaldri. Polandinn var staddur við svokallaðan matvagn þegar á hann var ráðist. Upplýsingum má koma á framfæri í tölvupósti á netfangið thorir.geirsson@lrh.is eða í einkaskilaboðum á fésbókarsíðu Lögreglunnar á höfuðborgarsvæðinu og í síma lögreglunnar 444 1000.

lrh.is

Öllu skemmri tíma tók að upplýsa innbrot í reiðhjólaverslun í Kópavogi um páskana, en það varð jafnframt til þess að leysa fleiri þjófnaðarmál. Tveir karlar voru handteknir í þágu rannsóknarinnar, en mennirnir voru stórtækir og stálu m.a. bifreið, reiðhjólum og verkfærum, en verðmætið nam einnig milljónum króna. Þvífið fannst við húsleitir í umdæminu, en fjölmargar slíkar leitir voru framkvæmdar eins og jafnan áður. Lögreglan upplýsti líka annað innbrot þar sem mjög dýrum verkfærum var stolið úr bifreið á höfuðborgarsvæðinu. Það tók mun lengri tíma, en þjófurinn reyndist vera eigandi verkfæraanna eftir allt saman. Sá sviðsetti innbrotið og kallaði síðan til lögreglu, en tilgangurinn var að svíkja út fé hjá tryggingafélagi.

12. ágúst

NÝIR

MÓTORHJÓLAGALLAR

Fáir þekking mikilvægi þess að vera vel klæddur jafn vel og umferðardeildin okkar. Vegna þessa hefur umferðardeildin nú fengið nýja mótörhjólagalla en þeir verða teknir í notkun í dag. Gallarnir eru keyptir í samvinnu við dönsku lögregluna, en þar hafa þessir gallar verið notaðir með góðum árangri. Gallarnir eru sérhannaðir mótörhjólagallar og uppfylla íturstu öryggiskröfur en ekki sist veita mótörhjólalöggunum okkar mikla vernd fyrir veðri og vindum, en eins og flestir vita er þessi hópur úti að vinna nánast allan ársins hring.

Margir áhugamenn um vélhjóli munu eflaust velja því fyrir sér hvort að gömlu leðurgöllum verði hreinlega hent, en svo er ekki. Þeir verða enn í notkun enda eru enn sumir sem kjósa frekar slíkan fatnað þegar farið er um á mótörhjóli, sérstaklega þegar veður er gott.

lrh.is

UMFERÐAREFTIRLIT

Umferðin gekk sinn vanagang í umdæminu árið 2015. Lögreglan á höfuðborgarsvæðinu hélt áfram að leggja sitt af mörkum til að fækka umferðarslysum og var sýnilegri löggæslu og eftirliti í umferðinni framhaldið. Þrátt fyrir góða viðleitni fækkaði slysum á höfuðborgarsvæðinu hins vegar ekki, en þau voru að meðaltali eitt á dag og rúmlega það. Tölur um banaslys í umferðinni á höfuðborgarsvæðinu voru enn fremur skelfilegar, en fimm létust í umferðarslysum í umdæminu árið 2015. Það er mikill viðsnúningur frá árinu 2014, en þá varð ekkert banaslys í umferðinni á höfuðborgarsvæðinu. Hér er því verk að vinna, en fækkun umferðarslysa er vel möguleg ef allir vegfarendur leggjast á eitt.

Hraðamælingar voru áfram viðamikill hluti af eftirliti lögreglu, en frá árinu 2008 hefur hún framkvæmt samanburðarmælingar í tilteknum götum á höfuðborgarsvæðinu. Hraðamælingarnar eru alltaf framkvæmdar með sama hætti og á sama tíma ársins í hverri götu fyrir sig. Með þessu fæst raunhæfur samanburður og jafnframt gott tækifæri til að meta þróun aksturshraða. Árið 2015 fóru fram samræmdar hraðamælingar í tæplega 50 götum, en þær eru valdar út frá ábendingum íbúa, sveitarfélaga eða reynslu lögreglu. Athyglisvert er að hlutfall þeirra sem aka yfir hámarkshraða hefur lækkað úr 45% árið 2008 í 32% árið 2015. Á sama tímabili hefur meðalhraði brotlegra sömuleiðis lækkað um 3 km/klst. Samhliða hafa veghaldarar ráðist í hraðaminnkandi aðgerðir í sumum gatnanna, t.d. með bættum merkingum og hraðahindrunum. Sérstakur myndavélabíll embættisins sinnti verkefninu, en samræmdar hraðamælingar eru einkum framkvæmdar í íbúðahverfum á höfuðborgarsvæðinu.

Umferðareftirlit Lögreglunnar á höfuðborgarsvæðinu var með hefðbundum hætti eins og þegar hefur verið rakið. Eftirliti með hraðakstri var haldið úti allt árið og átti það líka við um sumarmánuðina. Þema



7. október

INNBROT Í SKARTGRIPAVERSLUN

Lögreglan á höfuðborgarsvæðinu rannsakar nú innbrot í Skartgripaverslun Jóns Sigmundssonar á Laugavegi 5 í Reykjavík, en brotist var inn í verslunina í gær og þaðan stolið talsverðum verðmætum. Tilkynning um málið barst lögreglu klukkan 23.16 í gærkvöld, en þjófarnir brutu rúðu í versluninni og náðu þannig að teygja sig inn og stela úrum. Þeir sem kunna að búa yfir upplýsingum um málið eru beðnir um að hafa samband við lögreglu í síma 444 1000. Upplýsingum má einnig koma á framfæri í tölvupósti á netfangið marino.ingi@lrh.is eða í einkaskilaboðum á fésbókarsíðu Lögreglunnar á höfuðborgarsvæðinu.

lrh.is

sumarins hjá lögreglunni var einnig eftirlit með notkun öryggisbelta í umdæminu. Á sama árstíma er líka mikið eftirlit með ferðavögnum, en þeim hefur fjölgað mjög á vegum landsins. Flestum verkefnum umferðarlöggæslu þarf þó að sinna árið um kring, t.d. þegar kemur að ölvunar- og fíkniefnaakstri. Lögreglan stöðvaði þúsundir ökumanna í umdæminu af þeirri ástæðu. Eftirlit með ölvunar- og fíkniefnaakstri á höfuðborgarsvæðinu hefur jafnan verið hert til muna í desember og engin breyting varð þar á. Breytingar voru hins vegar gerðar á umferðarlögum árið 2015 og vert er að nefna það hér. Í þeim fólust m.a. breytingar á lögum um létt bifhjól, en undanfarin misseri hafa lögreglu borist fjölmargar kvartanir vegna lítilla raf- eða vélknúinna bifhjóla sem voru sum hver skilgreind sem reiðhjól.

3. desember

OFSAAKSTUR Í VETRARFÆRÐ

Í gær var umferðardeildin okkar við mælingar við Vesturlandsveg, en eins og allir vita hefur snjór og klaki einkennt umferðina síðustu daga. Fyrirmyndarhegðun einkenndi umferðina og var meðalhraðinn 63 km/klst. af rúmlega 700 ökutækjum sem fóru þarna framhá meðan mælingin fór fram.

Það sem skyggði þó á var að einn ökumaður var mældur á 110 km/klst. og í ljósi færðarinnar var ljóst að ökumaðurinn var að leggja sjálfan sig, en ekki síst alla aðra vegfarendur, í mikla hættu með slíkum ofsaaakstri. Þarna er 80 km/klst, miðað við bestu aðstæður. Ökumaðurinn má búast við ríflegri sekt.

lrh.is

BANASLYS OG HRAÐAKSTURSBROT

Fimm létust í umferðarslysum á höfuðborgarsvæðinu árið 2015. Um miðjan febrúar varð umferðaróhapp á mótum Nauthólsvegjar og Hringbrautar í Reykjavík, en þar hafnaði bifreið á umferðareyju og staðnæmdist síðan á kantsteini. Ökumaðurinn, karl á áttæðisaldri, var fluttur á slysadeild og lést þar nokkrum dögum síðar. Mánuði seinna varð umferðaróhapp í bílastæðahúsi við Vesturgötu í Reykjavík, en þar var bifreið ekið á steiptan stólpa. Ökumaðurinn, karl um nírætt, var fluttur á slysadeild og lést þar nokkrum dögum síðar. Í september ók 18 ára piltur bifreið á eftirvagn kyrrstæðrar vörubifreiðar við Suðurlandsveg, austan við Geitháls. Pilturinn lést í slysinu. Rétt fyrir miðjan desember varð aftur banaslys á Suðurlandsvegi, en þá nærri Lögbergsbrekku. Þar rákust saman þrjár bifreiðar með stuttu millibili, en ökumaður einnar þeirrar, karl um áttætt, lést í slysinu. Um viku síðar var ekið á hjólréiðamann ofarlega í Ártúnsbrekku í Reykjavík. Hjólréiðamaðurinn, karl á sextugsaldri, lést í slysinu. Þetta var jafnframt fyrsti hjólréiðamaðurinn sem lætur lífið í umferðinni á Íslandi frá árinu 1997.



20. júlí

INGA BIRNA KEPPIR Í SUÐUR-AFRÍKU

Inga Birna Erlingsdóttir, lögreglumaður í umferðardeild Lögreglunnar á höfuðborgarsvæðinu, hefur verið valin í 10 manna úrtak fyrir fyrsta alþjóðlega kvennalið GS bikars BMW, en keppt er á R 1200 GS mótorkjólum frá BMW. Fram undan er sex daga undankeppni, sem haldin verður í Suður-Afríku í september, en að henni lokinni verða valdar þrjár konur til þátttöku í aðalkeppninni í Tailandi á næsta ári. Mikil mun reyna á hæfni, þol og samvinnu keppenda, sem spreyta sig í ýmsum þrautum á meðan keppninni stendur. Þátttökuliðin koma víða að, en 2016 verða konur með í fyrsta sinn og þá í alþjóðlega liðinu sem áður var nefnt.

Þess má geta að Inga Birna var valin úr hópi 119 kvenna frá 28 löndum, sem allar sóttust eftir að taka þátt í keppninni. Það eitt og sér er mikill heiður fyrir hana og svo gæti hún hæglega komist í þriggja manna keppnislið sem mætir til leiks í Tailandi á næsta ári. Samstarfsfélagar hjá Lögreglunni á höfuðborgarsvæðinu óska Ingu Birnu til hamingju með að hafa komist í 10 manna úrtakið og óska henni góðs gengis í undankeppninni í Suður-Afríku.

lrh.is

Umferðarlagabrotum fjölgaði lítils háttar í umdæminu, en hafa skal hugfast að þau markast gjarnan af frumkvæðisvinnu lögreglu. Helst ber þó að nefna að færri óku ölvaðir eða undir áhrifum fíkniefna árið 2015 í samanburði við fyrra ár. Hins vegar fjölgaði hraðakstursbrotum á sama tímabili, en þau voru rúmlega 21.000. Stór hluti þeirra, eða hátt í 8.000, kom fram í hraðamyndavélum Vegagerðarinnar, sem staðsettar eru á höfuðborgarsvæðinu. Vélar Vegagerðarinnar mynduðu mun fleiri brot ökumanna en árið áður og sama má segja um árangur af hefðbundnu hraðæftirliti Lögreglunnar á höfuðborgarsvæðinu, myndavélabil embættisins þ.m.t. Þetta árið stóðu lögreglumenn hátt í 14.000 ökumenn að hraðakstri. Annað árið í röð voru fleiri teknir fyrir fíkniefnakstur heldur en ölvunarakstur, eða tæplega 800 á móti 650 sem voru drukknir undir stýri.

Af þessu má sjá að umferðarmál eru stór hluti af verkefnum lögreglu og þar er í mörg horn að líta. Réttindalausir ökumenn koma við sögu á hverjum degi, en árið 2015 voru um 650 tilfelli þar sem lögreglan stöðvaði för ökumanna sem höfðu þegar verið sviptir ökuleyfi. Þá voru í kringum 200 tilvik þar sem voru á ferð ökumenn sem höfðu aldrei öðlast ökuréttindi. Oft á sama fólkið hlut að máli, en það lætur sér ekki segjast. Fjölmargin stunda þann ósið að tala í síma við akstur án handfrjáls búnaðar, en liðlega 300 ökumenn fengu sekt af þeirri ástæðu. Rúmlega 450 ökumenn voru staðnir að því að aka gegn rauðu ljósi og máttu borga fyrir, en það eru smáaurar í samanburði við hræðilegar afleiðingar sem slík, fyllilega óþörf, áhætta í umferðinni gefur haft í för með sér. Lögreglan fjarlægði skráningarnúmer af rúmlega 2.000 ökutækjum vegna trassaskapar eigenda eða forráðamanna þeirra, en ökutækin voru ýmist ótryggð eða óskoðuð. Þá voru stöðubrot í umdæminu á móta mörg og undanfarin ár, eða um 6.000.



Blue square sign with a white 'P' and a blue car icon, indicating a parking area.

Blue rectangular sign with three white arrows pointing straight ahead, indicating a three-lane road.

Yellow circular sign with a black border and the number '60', indicating a speed limit of 60 km/h.

White license plate with black text: HDG J17

White license plate with black text: 4646

White license plate with black text: PHD L881

White license plate with black text: HAYZ 1E77

White license plate with black text: YVE 934

White license plate with black text: HANNA 2009

White license plate with black text: HANNA 2009

White license plate with black text: HANNA 2009

White license plate with black text: HANNA 2009

White license plate with black text: HANNA 2009

White license plate with black text: HANNA 2009

White license plate with black text: HANNA 2009

White license plate with black text: HANNA 2009

White license plate with black text: HANNA 2009

White license plate with black text: HANNA 2009

1. maí

BREYTTUR

ÚTIVISTARTÍMI 1. MAÍ

Útivistartími barna og unglunga tekur breytingum 1. maí. Frá þeim tíma mega 12 ára börn og yngri vera úti til klukkan 22.00. 13 til 16 ára unglingar mega vera úti til klukkan 24.00. Börn mega ekki vera á almannaferri utan fyrrgreinds tíma nema í fylgd með fullorðnum. Bregða má út af reglunum fyrir síðartalda hópinn þegar unglingar eru á heimleið frá viðurkenndri skóla-, íþrótta- eða æskulýðssamkomu. Aldur miðast við fæðingarár. Foreldrum/forráðamönnum er að sjálfsögðu heimilt að stytta þennan tíma og setja börnum sínum reglur um styttri útivistartíma.

Útivistarreglurnar eru samkvæmt barnaverndarlögum. Þeim er m.a. ætlað að tryggja nægan svefn en hann er börnum og unglungum nauðsynlegur. Svefnþörfin er einstaklingsbundin en þó má ætla að börn og unglingar á grunnskólaaldri þurfi 10 tíma svefn á nóttu.

Mikilvægt er að fylgja því eftir að börn og unglingar fái nægan svefn. Í því felst m.a. að ganga úr skugga um að þau séu ekki í tölvunni þegar þau eiga að vera komin í rúmið.

lrh.is

FRÉTTIR ÚR UMFERÐINNI

Árlega eru nokkur hundruð ökumenn staðnir að ölvunarakstri á höfuðborgarsvæðinu, en það segir ekki alla söguna. Því til viðbótar er allmörgum gert að hætta akstri eftir að hafa neytt áfengis, en hinir sömu eru þá undir refsimörkum og sleppa þannig með skrekkinn ef svo mætti að orði komast. Vafalaust læra einhverjir sína lexíu, en aðrir því miður ekki. Í þeim hópi er karl á fimmtugsaldri, sem lögreglan stöðvaði á Þingvallavegi í júní. Bifreið hans mældist á 139 km hraða, en í þokkabót var maðurinn ölvaður við stýrið. Sá hefur ítrekað gerst sekur um umferðarlagabrot og hafði þegar verið sviptur ökuréttindum þegar þetta átti sér stað. Í sama mánuði var karl á þrítugsaldri tekinn fyrir hraðakstur á Sæbraut í Reykjavík. Sá ók bifreið á 151 km hraða þar sem leyfður hámarkshraði er 60. Ökumaðurinn, sem var allsgáður, var beðinn um að framvísa ökuskríteini á vettvangi, en hann gat ekki orðið við því. Kom á daginn að ökuskríteinið var þegar í vörslu lögreglu vegna sviptingar, en viðkomandi hafði nokkrum sinnum áður verið staðinn að hraðakstri.

Snemma vors sendi Lögreglan á höfuðborgarsvæðinu hjólreiðamönnum orðsendingu og hvatti þá, líkt og aðra vegfarendur, til að fara varlega og sýna tillitssemi í hvívetna. Það var ekki að ástæðulausu, en áður hófðu lögreglu borist margar ábendingar frá vegfarendum sem sögðu hjólreiðamenn fara glannalega í umferðinni. Þetta voru m.a. kvartanir um hraðakstur hjólreiðamanna á göngu- og hjólreiðastigum í umdæminu. Fossvogurinn var einn þeirra staða sem tilgreindur var sérstaklega, en þar þóttu sumir hjólreiðamenn fara um á ógnarhraða og stefna bæði sjálfum sér og öðrum vegfarendum í stórhættu. Samfara auknum hjólreiðum hefur tilkynningum um reiðhjólalýs á höfuðborgarsvæðinu fjölgað mikið á undanförunum árum, en árið 2015 bárust embættinu sömuleiðis margar tilkynningar af því taginu. Það er því full ástæða til að hafa áhyggjur af þróuninni.

6. nóvember

UMFERÐARSLYS – ÖKUMANNS LEITAD

Lögreglan á höfuðborgarsvæðinu leitast ökumanns sem ók grænleitu fólksbíl á fjórtán ára pilt á reiðhjól á Fífuhvamsvegi í Kópavogi, skammt frá brúnni á mótis við Smáralind, klukkan 8.55 mánudagsmorgunin 2. nóvember sl. Lögreglu var tilkynnt um slysið daginn eftir en við skoðun á slysadeild kom í ljós að pilturinn var talsvert lemstraður. Reiðhjól, sem pilturinn fékk í fermingargjöf, er enn fremur illa farið og er það ekki síður bagalegt.

Við atvik eins og þetta er mikilvægt að ökumenn gangi úr skugga um að engin meiðsl hafi hlotist af né að skemmdir hafi orðið. Sömuleiðis er áriðandi að tilkynna málið til lögreglu, ekki sist vegna þess að áverkar eru ekki alltaf sjáanlegir á vettvangi. Lögreglan biður umræddan ökumann um að gefa sig fram en hafi aðrir orðið vitni að slysinu eru hinir sömu beðnir um að hafa samband í síma 444 1000. Upplýsingum um málið má sömuleiðis koma á framfæri í einkaskilaboðum á fésbókarsíðu Lögreglunnar á höfuðborgarsvæðinu.

lrh.is

Lögreglan notaði fleiri tækifæri til að biðja vegfarendur um að gæta sín og fara varlega í umferðinni, en í ársbyrjun voru ökumenn minntir á að gæta sérstaklega að ökulagi sínu við og í nágrenni við skóla á morgnana. Þá voru jólafrí nemenda að baki og mikilvægt sem aldrei fyrr að sína aðgæslu í morgunumferðinni í svartasta skammdeginu. Við skólabyrjun í ágúst var leikurinn endurtekinn, en samhliða var sýnilegt umferðareftirlit aukið í íbúðahverfum í nágrenni við grunnskóla og á stofnæðum í umdæminu. Markmiðið var það sama og áður, að minna ökumenn, og aðra vegfarendur, á að fara varlega í umferðinni. Nefna má ýmislegt fleira sem snýr að umferðaröryggi, en lögreglan hefur enn fremur verið ópreytandi að minna á mikilvægi bílbelta. Rannsóknir sýna að líkurnar á því að slasast í umferðinni eru margfalt meiri ef bílbelti eru ekki notuð.

Margir bera fyrir sig að bílbelti séu óþörf þegar farnar eru stuttar vegalengdir. Slíkt er vitleysa enda eiga bílbelti alltaf við, líka þegar skroppið er út í búð. Staðreyndin er að meirihluti umferðaróhappa á sér stað í þéttbýli og það undirstrikar mikilvægi bílbelta. Langflestir skilja hins vegar nauðsyn þess að nota beltin og taka ábendingum lögreglu vel. Hún fylgist með notkun þeirra eftir mætti, þótt það kunni að vera óhægt um vik í einhverjum tilvikum. Eftirlit með notkun bílbelta í hópferðabifreiðum getur verið torsótt, en notkun þeirra var sérstaklega könnuð um sumarmánuðina. Um var að ræða hópifreiðar á meginleiðum út frá umdæminu, en allir ökumenn og farþegar í þeim fylgdu gildandi reglum um notkun öryggisbelta. Niðurstaðan var ánægjuleg, en könnunin var gerð í samvinnu við lögregluna á Suðurnesjum.





12. ágúst

BIFHJÓL Á 147 KM HRAÐA INNANBÆJAR

Í gærkvöldi var ökumaður bifhjólsmældur á 147 km/klst hraða á Sæbraut við Súðarvog, en þar er 60 km/klst. Þegar ökumanni voru gefin stöðvunarkerki missti hann stjórn á hjólinu með þeim afleiðingum að hann féll í götuna og runnu ökumaður og bifhjól eftir henni töluverða leið. Ökumaður bifhjólsmans var nokkuð lemstraður eftir en reyndist ekki vera alvarlega slasaður.

Ökumaðurinn, karlmaður á þrítugsaldri, reyndist vera sviptur ökuréttindum, en ökumaðurinn er margsviptur ökuréttindum vegna ýmiskonar umferðarlagabrota.

lrh.is

KYNFERÐISBROT OG HEIMILISOFBELDI

Lögreglunni á höfuðborgarsvæðinu bárust að meðaltali um 50 tilkynningar um heimilisofbeldi alla mánuði ársins 2015. Málunum fjölgaði því frá árinu á undan, en ein af ástæðunum kann að vera aukin umfjöllun um heimilisofbeldi og möguleg úrræði í þeirri baráttu. Að sú víska að tekið væri á heimilisofbeldi ýtti undir að brotapolar stigu fram og leituðu aðstoðar. Lögreglan á höfuðborgarsvæðinu tók þátt í umræðunni, en skilaboð hennar voru að heimilisofbeldi væri ekki liðið. Embættið sýndi það líka í verki og tók hart á málunum, en í mörgum þeirra höfðu brotapolar mátt pola mikið. Kona á þrítugsaldri var í þeim hópi, en fyrrverandi sambýlismaður hennar hafði ítrekað beitt hana ofbeldi. Brotin áttu sér stað að sumarlagi, bæði í umdæminu og utan þess, en maðurinn hafði m.a. slegið konuna hnefahöggum í andlitið og höfuðið. Honum var gert að sæta nálgunarbanni á þessu tímabili, en það hafði ekki tilætluð áhrif. Fyrrverandi sambýlismaðurinn hafði jafnframt í hótunum, m.a. að klippa fingurna af henni. Þetta vakti eðlilega hjá henni ótta um líf sitt, en í einni skýrslutökunni hjá lögreglu sagðist konan ekki þora að leggja fram kæru. Á seinni stigum málsins gaf brotapolí út yfirlýsingu og vildi draga til baka allar kærur á hendur mannum. Í héraðsdómi var litið svo á að yfirlýsingin væri sett



11. maí

EFTIRLIT MED NOTKUN NAGLADEKKJA

Nagladekk eru farið að vera óþarfur búnaður hér á höfuðborgarsvæðinu, Suðurnesjum og á Suðurlandi, enda sumarið farið að gera vart við sig. Seint í næstu viku fara lögregluliðin á svæðinu að fylgjast með notkun nagladekkja og sekta þá sem ekki hafa fært sig yfir á naglalaus dekk. Við hvetjum eigendur ökutækja til að nýta vikuna til að skipta út nagladekkjum ökutækja sinna til að forðast óþarfa kostnað. Þar að auki felst í því yndisauki að losna við glamrið sem fylgir nagladekkjum.

lrh.is

fram af ótta við manninn og því var litið fram hjá henni. Það gerir málið ekki síður athyglisvert, en svo fór að maðurinn var dæmdur til fangelsisvistar.

Fjöldi kynferðisbrota var til rannsóknar hjá embættinu árið 2015, en málin voru ívið fleiri en árið á undan, eða nálægt 280. Flestar tilkynningar um kynferðisbrot í einum mánuði bárust lögreglu yfir sumarmánuðina, frá maí til ágúst. Janúar var reyndar verstur, en þá bárust embættinu hátt í 50 tilkynningar um kynferðisbrot, en mun færri hina mánuði ársins. Þetta voru ljót brot, eins og ávallt á við um kynferðisbrot, og vöktu skiljanlegan óhug almennings. Eitt þessara mála barst á borð lögreglu undir lok ársins, en eina nóttina í desember var tilkynnt um tvær tilraunir til nauðgunar. Sú fyrri átti sér stað við hús í Tjarnargötu í Reykjavík, en þar reyndi maður að nauðga konu á þrítugsaldri. Hún náði að kalla á hjálp og kom þá fólk að þeim, en við það lagði maðurinn á flóttu. Örfáum mínútum síðar barst aftur tilkynning til lögreglu, sem hljómaði eins og sú fyrri. Þá varð önnur kona á þrítugsaldi fyrir árás manns í Bankastræti, en sá virtist hafa það sama í huga og maðurinn í Tjarnargötu.

20. mars

SÓLIN LÉT EKKI SJÁ SIG Í HAFNARFIRÐI

Á tíunda tímanum í morgun hringdu á lögreglustöðina í Hafnarfirði skelfingu losnir íbúar þessa hýra Hafnarfjarðar sem hafa vanist því að horfa á móti sól. Á örskömmum tíma dróg fyrir sólu og því eru íbúar þessa hýra bæjarfélags alls ekki vanir. Ekki er enn ljóst hvað olli þessu skammdegi en rannsókn málsins stendur enn yfir. Hafa allir starfsmenn rannsóknardeildarinnar unnið hörðum höndum við að reyna upplýsa málið en ekki er talið að um mannfall sé að ræða. Málið er litíð mjög alvarlegum augum enda á það sér ekkert fordæmi að sólin láti ekki sjá sig hér í Hafnarfirði. Frekari upplýsinga er að vænta vonandi fljótlega.

lrh.is

Konunni var ýtt inn í Þingholtsstræti og þar settist maðurinn klovvega ofan á hana. Vegfarandi sá til þeirra og kom að þeim, en við það lagði maðurinn á flóttu. Við rannsókn málsins fékk lögreglan myndir úr eftirlitsmyndavélum á svæðinu, en sami maður var talinn hafa verið að verki í bæði skiptin. Myndirnar voru birtar í fjölmiðlum og bárust margar ábendingar um tiltekinn mann. Viðkomandi var handtekinn og úrskurðaður í gæsluvarðhald á grundvelli almanna-hagsmuna.

Svokallað Hlíðarmál var þó það kynferðisbrotamál sem vakti mesta athygli á árinu, en umfjöllun eins dagblaðanna um málið, og forsíðufrétt sem það birti, ýtti undir að fjöldi fólks safnaðist saman við lögreglustöðina við Hlemm og viðhafði mótmæli. Fyrirnefnt mál sneri að tveimur meintum nauðgunum í íbúð í Hlíðunum í Reykjavík. Tveir menn voru bornir sök, annar þeirra í báðum tilvikum, en hinn í öðru þeirra. Lögreglan á höfuðborgarsvæðinu lagði allt kapp á að upplýsa málið, en eftir að rannsókn þess lauk var það sent embætti héraðssaksóknara til frekari meðferðar. Málið var síðar fellt niður. Um 125 nauðganir voru til rannsóknar hjá Lögreglunni á höfuðborgarsvæðinu árið 2015.





5. júní

GRUNNÁM Í TÆKNIRANNSÓKNUM LÖGREGLU

Fyrr á þessu ári hóf lögregluskóli ríkisins, í samstarfi við tæknideild lögreglu, skipulagningu á þriggja lotu grunnnámskeiði tæknirannsóknna. Markmið námskeiðanna er að auka við og viðhalda þekkingu og færni rannsóknarlögreglumanna til að vinna tæknivinnu á vettvangi afbrota, en á reglulegum fundum lögreglustjóra höfðu komið fram óskir um að slíku námskeiði yrði komið á laggirnar.

Hver lota er vikulöng og fyrir skemmstu lauk fyrstu lotu þar sem áherslan snérist að lögregluhljósmyndun og blóðferlafræði.

lrh.is

RÁN OG FJÁRSVIK

Á næstsíðasta degi ársins var tveggja manna ákaft leitað á höfuðborgarsvæðinu, en hinir sömu rændu peningum úr bankaútibúi í Reykjavík. Málið vakti nokkurn ugg hjá almenningi enda ræningjarnir vopnaðir hnífi og byssu við verknaðinn. Þeir stukku yfir afgreiðsluborðið í bankanum, ógnuðu starfsfólki og náðu að komast undan með fjármuni. Mennirnir óku á brott og voru horfnir þegar lögreglan kom á vettvang. Allt tiltækt lið hennar tók þátt í leitinni að ræningjunum, en bíll þeirra fannst í Hlíðunum í Reykjavík um klukkustund eftir ránið. Bíllinn reyndist stolinn. Hnífurinn úr ráninu fannst í sama hverfi, og byssan, sem reyndist nákvæm eftirlíking af skammbyssu, kom einnig í leitirnar. Í bankanum náðust myndir af mönnunum og voru þær birtar í fjölmiðlum. Í kjölfarið bárust fjölmargar ábendingar frá almenningi, en upplýsingarnar reyndust lögreglu notadrjúgar við rannsóknina. Sporleitarhundur var kallaður til, en slóðin frá bíl ræningjanna lá í Öskjuhlíðina. Þar var leitað ítarlega og þyrta enn fremur fengin til aðstoðar. Samtímis var leitað að ræningjunum annars staðar í umdæminu, en þrír voru handteknir í þágu rannsóknarinnar eftir því sem leið á daginn. Þeir voru samt ekki grunaðir um aðild að ráninu sjálfu. Svo fór þó að ræningjarnir, tveir títugir piltar, gáfu sig fram og játuðu sök við yfirheyrslur hjá lögreglu, en ránsfengurinn fannst síðan morguninn eftir.

15. október

ÞJÓNUSTUEILD LRH - LOKAÐ VEGNA VERK FALLS

Þjónustueild Lögreglunnar á höfuðborgarsvæðinu er lokað vegna verkfalls SFR.

Áhrif þess eru m.a. að ekki er unnt að annast innheimtu sekta, auk þess sem lokað er í munavörslu og óskilamunadeild embættisins.

Sama gildir um símsvörin í aðalnúmer Lögreglunnar á höfuðborgarsvæðinu, 444 1000, en þjónustufulltrúar í símaverinu eru sömuleiðis í verkfalli.

Ef óskað er skjótrar aðstoðar lögreglu skal hringja í 112.

Takist samningar ekki, verður þjónustueild LRH lokað til miðvikudagsins 21. október.

lrh.is

Lögreglunni á höfuðborgarsvæðinu bárust um 50 tilkynningar um rán í umdæminu árið 2015. Það er svipaður fjöldi mála og undanfarin ár, en í einu þeirra í október varð skartgripaverslun í Hafnarfirði fyrir barðinu á tveimur ræningjum. Mennirnir, sem voru grímuklæddir og ógnuðu starfsmanni verslunarinnar með bareflum, brutu upp hirslur og höfðu á brott með sér umtalsverð verðmæti. Þeir komust undan á stolnum bíl, en hann fannst síðar í öðru lögregluumdæmi. Þar var annar ræningjanna jafnframt handtekinn, en sá skaut úr loftbyssu að lögreglumönnum þegar átti að handtaka hann. Hinn ræninginn var handtekinn nokkrum dögum síðar, auk þriðja mannsins sem tengdist málinu. Þess má geta að annar ræningjanna var líka grunaður um að hafa stolið skartgripum úr versluninni mánuðinn á undan. Rétt er að taka fram að fyrrnefnd skartgripaverslun er ekki sama verslunin og fjallað er um í kaflanum *Innbrot og þjófnaðir*, en sú er sömuleiðis staðsett í Hafnarfirði.

Auðgunarbrotum í umdæminu fjölgaði frá árinu á undan, en til þeirra teljast m.a. bæði fjárdráttur og fjársvik. Tilkynntum fjárdráttarbrotum fækkaði, en fjársvikamál voru hins vegar ívið fleiri en árið 2014. Oft var um háar fjárhæðir að ræða, en snemma árs var lögð fram kæra á hendur bankastarfsmanni, sem var sakaður um að hafa dregið sér tugi milljóna af fjármunum bankans. Þetta var gert með óheimilum færslum af reikningum bankans á nokkra reikninga í eigu móður bankastarfmansins. Færslurnar voru rúmlega hundrað, en þær höfðu átt sér stað á löngu tímabili, eða á þriðja ár. Samtals var upphæðin um 50 milljónir króna, en bankastarfsmaðurinn var einnig sakaður um að hafa dregið sér tæpar 11 milljónir til viðbótar með tveimur óheimilum færslum til greiðslu veðskuldabréfa hjá lánastofnunum. Um milljónir króna var líka að ræða í máli sem embættið rannsakaði á vormánuðum og sneri að framleiðslufyrirtæki sem var hlunnfarið. Það greiddi reikninga sem síðar voru taldir tilhæfulausir, en einn starfsmanna framleiðslu-



17. júlí

RÁN UPPLÝST

Lögreglan á höfuðborgarsvæðinu hefur upplýst tvö rán, sem voru framin í versluninni Samkaup í Hófgerði í Kópavogi í gær og á laugardag. Karl á þrítugsaldri hefur játað sök, en hann viðurkenni við yfirheyrslur að hafa verið að verki í bæði skiptin. Birtar voru myndir af ræningjanum, en í kjölfarið bárust ábendingar sem leiddu til handtöku mannsins. Lögreglan þakkar fjölmiðlum og almenningi veitta aðstoð.

lrh.is

fyrirtækisins sá um að samþykkja þessa sömu reikninga. Starfsmaðurinn var handtekinn í þágu rannsóknarinnar, en fleiri tengdust málinu. Um allmarga reikninga var að ræða.

Fjársvikamálin sem Lögreglan á höfuðborgarsvæðinu fékk til meðferðar voru af ýmsum toga. Misnotkun greiðslukorta var þar á meðal, en í ágúst voru tveir Litháar handteknir í íbúð í Reykjavík. Hana höfðu þeir leigt og greitt fyrir með greiðslukortaupplýsingum sem aflað var með ólögum hætti. Sitthvað fleiri reyndust mennirnir hafa á samviskunni, en þeir höfðu mörgum sinnum notað greiðslukortaupplýsingar í heimildarleysi. Allt tengdist það Íslandsferð manna, m.a. greiðslur fyrir flugfarseðla og afnot af bíla-leigubíl. Einnig voru keyptir flugfarseðlar fyrir frænda annars manna og kom hann líka til landsins. Á Íslandi virðist hafa runnið kaupæði á mennina, en þeir keyptu sér m.a. tölvur og farsíma í nokkrum netverslunum. Innkaupalistinn var langur, en verður ekki rakinn hér frekar. Hluti varanna hafði þegar verið afhentur þegar lögreglan handtók mennina, en þá voru aðeins eftir fáeinir dagar af fyrirhugaðri dvöl þeirra. Gæsluvarðhaldsvist manna varð þó til þess að lengja Íslandsheimsóknina.

15. júní

FALSAÐIR EVRUSEÐLAR

Borið hefur á tilkynningum um falsaða 100 evru seðla og því beinum við því til fólks að skoða vel reiðufé sem notað er í viðskiptum. Þeir sem fara mikið með erlenda seðla ættu því að kynna sér vel hverskonar öryggisatriði er að finna í slíkum seðlum til að minnka líkurnar á að taka við slíkum seðlum fyrir misgáning. Þetta er td.hægt að gera með sérstökum pennum og útfjólubláu ljósi, sem ætti etv. að vera til í verslunum.

Ef fólk verður vart við falsaðan seðil er best að kalla til lögreglu gegnum 112.

Á vef evrópska seðlabankans koma fram upplýsingar um hvernig megi skoða evruseðla til að meta hvort þeir séu falsaðir. Finna má upplýsingar um þetta á vef seðlabankans undir liðnum „banknote security“: <https://www.ecb.europa.eu/euro/html/index.en.html>

lrh.is

FÍKNIEFNAMÁL

Lögreglan á höfuðborgarsvæðinu rannsakaði fjölmörg fíkniefnamál árið 2015. Skráðum fíkniefnabrotum fækkaði hins vegar í umdæminu, en fjöldi mála sveiflast gjarnan á milli ára og sama gildir um haldlagningu fíkniefna. Þetta árið lögðu lögregla og tollgæsla hald á 23 kg af amfetamíni, en megnið af fíkniefnunum fannst í Volkswagen skutbil, sem kom með farþegaskipinu Norrænu til Seyðisfjarðar. Fíkniefnin voru þó áfram óhreyfð í bílnum eystra, en honum var ekið til Keflavíkurflugvallar og skilinn þar eftir í nokkra daga. Bíllinn var undir eftirliti lögreglu allan tímann og þegar ökumaður hans birtist aftur fóru leikar að æsast. Bílnum var ekið að húsi annars staðar á Suðurnesjum, en þar voru ökumaðurinn og annar maður handteknir. Við ítarlega leit í bílnum fundust tæplega 20 kg af amfetamíni, sem voru vel falin í sérútbúnum geymsluhólfum. Í þeim var líka að finna 2,5 kg af kókaíni, sem var næstum helmingur af öllu kókaíni sem haldlagt var árinu. Mennirnir, sem báðir voru hollenskir, voru úrskurðaðir í gæsluvarðhald. Tveir Íslendingar voru einnig úrskurðaðir í gæsluvarðhald í þágu rannsóknarinnar, en þeir voru grunaðir um að hafa lagt á ráðin um innflutning fíkniefnanna.

Snemma árs handtók Lögreglan á höfuðborgarsvæðinu á annan tug manna og lagði hald á talsvert af fíkniefnum í aðgerðum sem beindust gegn sölu fíkniefna á samfélagsmiðlum. Við húsleitir í





23. janúar

KANNABISRÆKTUN - 500 PLÖNTUR HALDLAGÐAR

Lögreglan á höfuðborgarsvæðinu stöðvaði umfangsmikla kannabisræktun í iðnaðarhúsnæði á Seltjarnarnesi í gærkvöld. Við húisleit á áður nefndum stað var lagt hald á rúmlega 500 kannabisplöntur, en tveir menn, annar á fertugsaldri og hinn á fimmtugsaldri, voru handteknir í þágu rannsóknarinnar. Þess má geta að sl. haust, í óskyldu máli, stöðvaði lögreglan einnig kannabisræktun í iðnaðarhúsnæði á Seltjarnarnesi. Um var að ræða annað hús, en við sömu götu og kannabisræktunin fannst í gærkvöld.

Lögreglan minnir á fíkniefnasímann 800 5005. Í hann má hringja nafnlaust til að koma á framfæri upplýsingum um fíkniefnamál. Fíkniefnasíminn er samvinnuverkefni lögreglu og tollyfirvalda og er liður í baráttunni við fíkniefnavandann.

lrh.is

umdæminu lagði lögreglan hald á kókaín, LSD og um 200 gr. af amfetamíni, auk kannabisefna sem var að finna á allmörgum stöðum. Enn fremur var lagt hald á peninga, sem taldir voru tilkomnir vegna fíkniefnasölu. Í hópi hinna handteknu voru aðallega karlar á þrítugsaldri, en ein kona var handtekin í aðgerðunum. Þess má geta að allnokkrum fésbókarsíðum, sem buðu fíkniefni til sölu, var lokað í kjölfarið. Boðaðar voru áframhaldandi aðgerðir og þótti full ástæða til. Að mati lögreglu er umfang fíkniefnasölu á samfélagsmiðlum verulegt, en henni berast reglulega upplýsingar um slíkt.

Fíkniefni getur verið að finna á ótrúlegustu stöðum eins og sannaðist í fjölbýlishúsi á höfuðborgarsvæðinu um mitt sumar. Þangað fór lögreglan ásamt fíkniefnaleitarhundi og fann fíkniefni falin í leikfangi í sameign hússins. Um var að ræða verulegt magn e-taflna og var einn íbúanna handtekin, en á heimili hans fundust frekari gögn um fíkniefnamisferli. Í framhaldinu var farið til leitar á vöruhótel, en þar var lagt hald á 3 kg af MDMA. Úr því er hægt að framleiða þúsundir e-taflna og því var hér komið í veg fyrir mikinn skaða. Á þriðja staðnum var svo lagt hald á fullkomna töflugerðarvél, en hún hafði einmitt verið notuð í þeim tilgangi að framleiða e-töflur. Málið var mjög umfangsmikið, en fimm voru úrskurðaðir í gæsluvarðhald í þágu rannsóknarinnar. MDMA var líka tekið í vörslu lögreglu í apríl, en í því máli var lagt hald á tæplega kíló af sterkum fíkniefnum, aðallega þó amfetamíni. Þá eru ótalin öll málin þar sem kannabisplöntur komu við sögu, en enginn skortur var á þeim frekar en fyrri daginn. Ófáar kannabisræktanir voru stöðvaðar árið 2015, en lagt var hald á 45 kg af marjúana. Það er nokkru minna en árið á undan, sem var reyndar metár hvað varðar haldlagningu marjúana.

19. mars

VIRKJUM HÆFILEIKANA – ALLA HÆFILEIKANA

Lögreglan á höfuðborgarsvæðinu fékk góða gesti í heimsókn á dögnum en þar voru á ferð sjónvarpsfólkið úr hinum frábæru þáttum Með okkar augum. Tilgangurinn var að kynna samstarfsverkefnið Virkjum hæfileikana – alla hæfileikana, en að því standa Vinnuálastofnun, Öryrkjabandalag Íslands og Proskahjálp. Verkefnið miðar að því að skapa störf fyrir atvinnuleitendur með skerta starfsgetu. Tákn samstarfsverkefnisins, eða hvatningargripur, er handbrotinn fugl úr origami pappír, en við honum tóku Sigríður Björk lögreglustjóri og Alda Hrönn aðstoðarlögreglustjóri.

lrh.is

ALPJÓÐLEGAR LÖGREGLUAÐGERÐIR

Síðla sumars voru átta manns handteknir í viðamiklum aðgerðum Lögreglunnar á höfuðborgarsvæðinu gegn innflutningi stera, sölu, dreifingu og framleiðslu þeirra. Lagt var hald á mikið magn af sterum, mestmegnis í formi dufts og taflna, eða rúmlega 7 kg af dufti og um 30 þúsund töflur, auk 5 lítra af vökva sem var tilbúinn til blöndunar. Þá fannst jafnframt búnaður til framleiðslu stera. Lögreglan tók einnig í sína vörslu fjármuni, sem grunur lék á að væru tilkomnir vegna fyrrnefndrar starfsemi. Húsleitir voru framkvæmdar á allmörgum stöðum í umdæminu, og ein í Reykjanesbæ með aðstoð lögreglunnar á Suðurnesjum. Rannsókn málsins var unnin í samvinnu við embætti tollstjóra. Sakborningarnir voru flestir á fertugsaldri, en í þeim hópi var ein kona. Aðgerðirnar hérlendis voru hluti af alþjóðlegri lögregluaðgerð (Operation Underground) undir forystu Europol og bandarísku fíkniefnalögreglunnar, DEA. Samtímis voru framkvæmdar húsleitir og handtökur í mörgum öðrum löndum og sterar haldlagðir þar líka. Í aðgerðunum var ráðist sérstaklega gegn innflutningi stera frá framleiðendum í Kína, en þeir eru mjög stórtækir á þessu sviði.

Samstarf íslenskra lögregluþyrvalda og erlendra lögregluliða er sífellt að aukast, en þar hefur Lögreglan á höfuðborgarsvæðinu



18. júní

REIÐHJÓLALÖGGÆSLA

Í sumar verður haldið úti virku eftirliti á reiðhjólum, en reiðhjólin eru frábær leið til að komast um í borginni. Reynslan sýnir okkur að með því að ferðast um á reiðhjólum næst enn betra samband við borgarana, en það þykir okkur vænt um. Reiðhjólalöggurnar okkar reka einnig Instagram reikning embættisins og þar má sjá hvað þær sýsla við.

lrh.is

sannarlega notið góðs af. Að sporna við innflutningi ólöglegra efna verður tæpast gert án aðstoðar. Alþjóðavæðing þar sem brot teygja sig til fleiri landa er staðreynd. Við þær aðstæður skilar samvinna lögregluliðanna árangri, en önnur alþjóðleg lögregluaðgerð (Operation Blue Amber) undir hatti Europol gafst sömuleiðis vel árið 2015. Rannsókn Lögreglunnar á höfuðborgarsvæðinu á innflutningi mikils magns af fíkniefnum, sem falin voru í Volkswagen skutbíl og fjallað er um hér að framan, var hluti af þessu samstarfsverkefni evrópskra lögregluliða. Fjöldi alþjóðlegra lögregluaðgerða var raunar felldur undir verkefnið (Operation Blue Amber), en tilgangur þess var að auka samstarf Evrópulandanna í rannsóknum á skipulagðri brotastarfsemi. Þess má geta að um allnokkurt skeið hefur sérstakur tengslafulltrúi Íslands verið starfandi hjá Europol og hefur það reynst mjög vel.





13. febrúar

KANNABISPLÖNTUR OG AMFETAMÍN

Lögreglan á höfuðborgarsvæðinu stöðvaði kannabisræktun í íbúð fjölbýlishúss í Kópavogi og lagði hald á 35 kannabisplöntur. Einnig var talsvert af búnaði haldlagt, en ræktunin var afar vel tækjum búin fyrir þessa starfsemi. Kona á fertugsaldri var handtekin í þágu rannsóknarinnar, en í öðru húsnæði sem hún hefur yfir að ráða var lagt hald á kannabisefni, ætlað amfetamín og fartölvur. Lögreglan stöðvaði einnig kannabisræktun í íbúð fjölbýlishúss í Breiðholti, en þar var að finna tæplega 20 kannabisplöntur og nokkra tugi gramma af tilbúnum kannabisefnum. Húsráðandi, karl á þrítugsaldri, var handtekinn á vettvangi. Talsvert af búnaði var tekið í vörslu lögreglu, en ræktunin var sömuleiðis vel búin tækjum.

SLYSIÐ Í REYKDALSSTÍFLU

Tveir ungir bræður voru hætt komnir í Reykdalsstíflu í Hafnarfirði í apríl, en málið var eitt af þeim eftirminnilegri á árinu. Þeir sem komu að björgun bræðranna lögðu sig enn fremur í mikla hættu og mátti litla muna að illa færi. Bræðurnir, 9 og 12 ára, veittu athygli bolta sem var í rennu fyrir affalli Reykdalsstíflu og freistuðu þess að ná honum. Þrátt fyrir nokkrar tilraunir náðu þeir ekki til boltans og þá tók yngri bróðirinn afdrifaríka ákvörðun. Hann fór út í rennuna, en féll þá við og tók að sökkva og hringsnúast í hyl sem er neðst í rennunni. Eldri bróðirinn reyndi þá að bjarga þeim yngri, en við það féll hann sömuleiðis í hylinn og var þá einnig kominn í sjálfheldu. Systir þeirra, 11 ára, var líka á vettvangi, en hún hringdi eftir hjálp í mömmu sína þegar svona var komið fyrir bræðrunum. Mjög mikill vatnsstraumur var í stíflunni vegna aukins vatnsmagns í læknum, en systkinin gerðu sér enga grein fyrir hættunni sem þarna leyndist og sama má segja um þá sem komu að björgunarstarfinu í kjölfarið. Aðstæður á slysstað voru því mjög erfiðar, en aðgerðum þar mátti e.t.v. líkja við björgun úr litlum en afar kraftmiklum fossi.

14. október

ÁNÆGJULEG MÁLALOK

Hún Alice Charra, fyrrverandi frónskukennari, var glöð í bragði eftir heimsókn á lögreglustöðina í gær, en þá hafði hún endurheimt veski sem hún týndi í miðborginni um síðustu helgi. Alice, sem er franskur ríkisborgari á níræðisaldri, tilkynnti málið strax til lögreglu, en í veskinu voru m.a. peningar, greiðslukort og hið svokallaða græna kort, sem veitir útlendingum í Bandaríkjunum réttindi þar í landi. Alice hefur einmitt verið búsett í Bandaríkjunum til fjölda ára og því var þetta sérstaklega bagalegt að tapa græna kortinu, en hún þurfti í kjölfarið að gera ráðstafanir vegna heimferðarinnar og seinka henni um nokkra daga.

Nú er græna kortið hennar hins vegar komið í leitirnar, sem og allt annað í veskinu, þ.m.t. peningarnir, en það var heiðarlegur og skilvís borgari sem komið með veskið á lögreglustöð í gær og í framhaldinu var haft samband við Alice. Hún kom svo ásamt manni sínum, Igor Eberstein, á lögreglustöðina og sótti veskið og þáðu þau hjónin kaffisopa í leiðinni. Alice átti síður von á að fá veskið aftur, hvað þá með öllu innhaldinu ósnertu og var skiljanlega mjög glöð með þessi málalok.

Móðir barnanna brást strax við hringingunni og hafði samband við Neyðarlínuna, sem sendi lögregluna tafarlaust á vettvang. Nokkrar mínútur liðu áður en hjálpin barst, en mamman var komin á staðinn á undan og reyndi að bjarga bræðrunum með aðstoð unglingsstúlku sem átti leið um. Þær náðu taki á eldri stráknum, en var um megn að draga hann upp úr hylnum. Systirin, sem var í samskiptum við Neyðarlínuna meðan á þessu stóð, náði að fanga athygli ökumanns sem átti leið rétt hjá og kom hann einnig til aðstoðar. Þeim tókst síðan ná eldri stráknum upp úr, en við það vildi svo illa til að maðurinn, sem var á þrítugsaldri, féll í hylinn. Litli bróðirinn var ennþá fastur í stíflunni og útlitið dökkt, en árfarvegurinn í rennunni myndaði hringiðu í hylnum, auk þess sem gróður gerði það að verkum að fótfesta var lítil sem engin.

Á þessum tímapunkti dreif að lið til björgunar og náðist maðurinn upp úr hylnum. Hann og eldri strákurinn voru báðir mjög kaldir og illa áttaðir, en öndun stráksins kom fljótt eftir að hafa fengið aðstoð. Einn lögreglumannanna, sem kom á vettvang, freistaðist til þess að ná yngri stráknum en lenti þá sjálfur í hylnum. Enn leið dýrmætur tími uns tókst að ná taki á fótlegg lögreglumansins og draga hann upp úr, en þá hafði lögreglumaðurinn náð taki á yngri stráknum og var honum líka bjargað. Sá var meðvitundarlaus og hófust strax endurlífgunartilraunir. Í framhaldinu tók við óvissa þar sem honum var haldið sofandi á gjörgæsludeild, en svo fór að strákurinn bragg-aðist ótrúlega fljótt. Ljóst er að allir sem komu að björgunar-aðgerðunum sýndu ótrúlega yfirvegun og þrekvirki við mjög erfiðar aðstæður. Eftir slysið gerði Hafnarfjarðarbær ráðstafanir til að koma í veg fyrir að óhapp sem þetta endurtæki sig í Reykdalsstíflu.



Alice og Igor vildu endilega láta gott af sér leiða vegna þessa heiðarlega borgara sem skilaði veskinu og áformuðu, í þakklætisskyni, að styrkja gott málefni í borginni af því tilefni. Þess má geta að Alice og Igor, sem starfaði hjá NASA um áratugaskeið, hafa oft komið hingað áður og því má með réttu kalla þau sanna Íslandsvini.

lrh.is

SAMAN GEGN OFBELDI

Heimilisofbeldi er tekið föstum tókum hjá Lögreglunni á höfuðborgarsvæðinu, en í árslok 2014 var hafin vinna á innleiðingu nýs verklags vegna heimilisofbeldismála. Það kom að fullu til framkvæmda árið 2015, og gafst vel. Með þessu vildi lögreglan auka öryggi borgaranna enn frekar, en með heimilisofbeldi er átt við ofbeldi milli skyldra aðila. Tilgangurinn var enn fremur að auka þjónustu við þolendur, en líka við gerendur eftir því sem hægt var. Breyttar áherslur embættisins í þessum málum vöktu athygli, og í þjóðfélaginu var töluverð umræða um heimilisofbeldi og þá meinsemd sem það er. Skilaboð lögreglunnar voru að heimilisofbeldi er ekki liðið og hún mun beita öllum ráðum til að berjast gegn því.

Baráttan gegn heimilisofbeldi er hins vegar ekki einkamál lögreglu og því var mikilvægt að fá sveitarfélögin til samstarfs. Reykjavíkurborg reið á vaðið, en í ársbyrjun var undirritaður samstarfssamningur Lögreglunnar á höfuðborgarsvæðinu og borgarinnar. Markmiðið var að auka þekkingarmiðlun og bæta verklag til að taka á heimilisofbeldismálum sem upp koma í því skyni að tryggja öryggi fólks á heimilum sínum. Jafnframt að veita bæði þolendum og gerendum betri þjónustu og að bæta stöðu barna sem búa við heimilisofbeldi. Fleiri sveitarfélög bættust í hópinn þegar leið á árið, en öll sveitarfélög í umdæminu rituðu undir samstarfsyfirlýsingu um átak gegn heimilisofbeldi. Það eru ánægjuleg tíðindi, en öllum er ljóst að hér er um að ræða verkefni til framtíðar.

7. apríl

LÝST EFTIR OPEL COMBO KM-712 OG REIÐHJÓLUM

Lögreglan á höfuðborgarsvæðinu lýsir eftir ljósgráum Opel Combo C Van bifreið með skráningarnúmerið KM-712 en bílnum var stolið í innbroti í reiðhjólaverslunina Hvellur, Smiðjuvegi 30 í Kópavogi um páskana (líklega aðfaranótt mánudags). Þeir sem geta gefið upplýsingar um hvar bíllinn er niðurkominn eru vinsamlega beðnir um að hafa samband við lögregluna í síma 444 1000. Upplýsingum má einnig koma á framfæri í tölvupósti á netfangið adalsteinna@lrh.is eða einkaskilaboðum á fésbókarsíðu Lögreglunnar á höfuðborgarsvæðinu. Í innbrotinu var einnig stolið verkfærum, reiðhjólahljálmmum og á annan tug reiðhjóla, sem einnig er leitað, en reiðhjólategundirnar sem um ræðir eru Fuji og Everton.

lrh.is

MENNINGARNÓTT

Lögreglan á höfuðborgarsvæðinu var með mikinn viðbúnað á Menningarnótt eins og jafnan áður. Fjölmargir lögreglumenn voru á vakt og veitti ekki af enda í mörg horn að líta þegar þúsundir gesta streyma í miðborgina. Dagurinn var erilsamur og verkefnin mörg, en þeim var sinnt langt inn í nóttina. Reykjavíkummaráþon var haldið að morgni Menningarnætur og tókst vel. Skráðir keppendur voru um 15 þúsund, en gerðar voru viðeigandi ráðstafanir á götum borgarinnar svo allir þátttakendur kæmst leiðar sinnar. Lögreglan var ánægð með framkvæmd hlaupsins og ökumenn virtu lokanir mun betur en áður. Þegar leið á daginn tók sig hins vegar upp gamalkunnugt vandamál, en mörgum gekk illa að leggja löglega á miðborgarsvæðinu. Svo fór að höfð voru afskipti af rúmlega 1.000 ökutækjum vegna þessa og voru eigendur þeirra sektaðir fyrir vikið.

Lögreglu bárust tilkynningar um níu umferðaróhöpp í Reykjavík á Menningarnótt, en í einu þeirra var ekið á björgunarsveitarmann. Sá slasaðist ekki, en ökumaðurinn fór af vettvangi í fússi. Hann náðist síðar og viðurkenndi sök, en maðurinn hafði deilt við





24. apríl

SPRENGJA GERÐ ÓVIRK VIÐ HAFRAVATN

Í gær fékk Lögreglan á höfuðborgarsvæðinu útkall þar sem útivistarfólk hafði fundið torkennilegan mun á göngu sinni við Hafravatn. Á vettvang fóru sérfræðingar frá sérsvait ríkislögreglustjóra og sprengjusveit Landhelgisgæslunnar.

Í ljós kom að um var að ræða sprengju úr sprengjuvörpu, væntanlega frá því á tímum seinni heimstyrjaldar, en æfingar á slík hernaðartæki fóru fram víða kringum höfuðborgarsvæðið hér í eina tíð. Var sprengjan gerð óvirk á staðnum.

Gott er að minna fólk á mikilvægi þess að kalla lögreglu strax til, finni það torkennilega muni sem gætu verið hernaðargögn eða sprengiefni enda getur óvarleg meðhöndlun á slíku orðið afdrifarík.

Þjörgunarsveitarmanninn í aðdragandanum og snerist það um lokanir sem ökumaðurinn vildi ekki virða. Níu voru teknir fyrir ölvunar- og fíkniefnaakstur og einn til viðbótar fyrir að stýra sæpotu ógætilega í Reykjavíkurbhöfn. Eftirför þurfti til að stöðva kappann, en sá var þó hvorki ölvaður né undir áhrifum fíkniefna. Fá fíkniefnamál komu til kasta lögreglu á Menningarnótt, en þeim mun fleiri mál sem tengdust ölvun unglinga. Ölvun varð meira áberandi eftir því sem leið á kvöldið og nóttina. Áfengi var tekið af unglingum og því hellt niður.

Talið er að yfir 100 þúsund manns hafi verið á Menningarnótt þegar mest var. Henni lauk að venju með stórbrotinni flugeldasýningu á tólfta tímanum, en eftir sýninguna héldu flestir til síns heima. Vel gekk að greiða fyrir umferð úr miðborginni. Nokkrar líkamsárásir voru tilkynntar til lögreglu á Menningarnótt, nær allar minni háttar. Fáeinir voru teknir fyrir brot á lögreglusamþykkt, en hinir sömu köstuðu af sér þvagi á almannafæri. Á heildina litið verður þó ekki annað sagt en að Menningarnótt hafi farið vel fram og fólk var almennt til mikillar fyrirmyndar. Við eftirlitið þennan dag voru lögreglumenn m.a. á reiðhjólum og reyndist það vel.

22. júní

TÓNLISTARHÁTIÐ Í LAUGARDAL

Þá er tónlistarhátíðinni Secret Solstice, sem haldin var í Laugardal um helgina, lokið. Skipulag og framkvæmd hátíðarinnar var mjög faglegt í alla staði og til fyrirmyndar. Fjöldi öryggisvarða var við störf og einnig var stór hópur fólks sem fór um hátíðarsvæðið og týndi upp allt rusl er hátíðargestir hentu frá sér. Þegar hátíðarhöldum var lokið á kvöldin var svæðið hreint og tilbúið til notkunar næsta dag. Lögreglumenn sem voru við vinnu um helgina voru almennt ánægðir með hvernig til tókst. Gestir voru jákvæðir í garð lögreglu og fór drjúgur tími í það að sitja fyrir á myndum. Hópur óeinkennisklæddra lögreglumanna var á ferðinni og einbeitti sér að líklegum sölumönnum fíkniefna utan við svæðið. 13 einstaklingar voru kærðir fyrir vörslu fíkniefna og þar af þrír fyrir sölu. Tveir voru fluttir á slyshadeild vegna ofneyslu MDMA fíkniefna.

Á heildina litið er lögreglan sátt við framkvæmdina og hvernig til tókst. Trúlega eru einhverjir íbúar í nágrenninu á öðru máli en hávaðinn var gríðarlegur. Lögreglu bárust hins vegar ekki margar kvartanir vegna þess.

lrh.is

ÓVENJULEG VERKEFNI

Ráðamenn þjóðarinnar tengjast afar sjaldan málum sem eru til rannsóknar hjá lögreglu og því vakti það mikla athygli þegar forsætisráðherra Íslands kom við sögu í fjárkúgunarmáli hjá embættinu. Ráðherrann var þolandi í málinu, en tvær systur á fertugsaldri voru grunaðar um að hafa sent honum hótunarbréf og krefjast peninga. Bréfið var sent á heimili ráðherrans, en í því voru honum sett skilyrði. Þau voru að greiða tiltekna fjárupphæð, en peningunum átti að koma fyrir á ákveðnum stað sunnan Vallarhverfis í Hafnarfirði. Gengi ráðherrann ekki að þessu hótuðu konurnar að koma einhverri vitneskju á framfæri sem þær þóttust búa yfir. Málið var strax tilkynnt lögreglu og var það unnið í góðri samvinnu Lögregluunnar á höfuðborgarsvæðinu og embættis ríkislögreglustjóra. Konurnar voru handtekna í Hafnarfirði þegar þær hugðust sækja peningana, en systurnar játuðu sök við yfirheyrslur hjá lögreglu.

Alvarlegt flugatvik var tilkynnt til lögreglu í júlí, en þá mátti litlu muna að Fokker flugvél Flugfélags Íslands rækist á stórar gasblöðrur sem í hékk sívalningur að því að talið var. Fokkerinn var að koma inn til lendingar til suðurs yfir Reykjavíkurtjörn og Hljómskálagarðinn þegar þetta gerðist. Starfsmaður í flugturni Reykjavíkflugvallar hafði samband við lögreglu og greindi frá málinu sem var litið mjög alvarlegum augum. Að hans sögn svifu gasblöðrurnar í hæð upp fyrir ský. Það gerðist hægt og mátti því ætla að nokkur þyngd væri í blöðrunum. Lögreglan fór þegar á vettvang og leitaði ummerkja, bæði í kringum flugvöllinn og í Hljómskálagarðinum, en varð ekki vör við neitt sem gæti varpað ljósi á málið.

Erlendir verkamenn fóru mikinn á höfuðborgarsvæðinu á miðju árinu, og svo mikið að undan þeim var kvartað. Um var að ræða hóp nokkurra manna sem buðu húseigendum í umdæminu alls konar þjónustu, t.d. garðvinnu, hellulögn og málningarvinnu. Þeir



30. nóvember

VARAÐ VIÐ GRÝLUKERTUM


Lögreglan á höfuðborgarsvæðinu varar við grýlukertum en þau eru víða að finna þessa dagana. Ljóst er að af þeim getur stafað nokkur hættu og því er full ástæða til að hvetja vegfarendur til að sýna aðgát. Þetta á ekki síst við um miðborgina og má þar ennfremur nefna sérstaklega í Þinghóltunum.

Eigendur og umráðamenn húsa eru beðnir um að bregðast við en hinum sömu er jafnframt bent á ákvæði í lögreglusamþykkt en þar segir m.a.: Eiganda eða umráðamanni húss er skylt að fjarlægja af húsi sínu snjó og grýlukerti, sem fallið geta niður og valdið hættu fyrir vegfarendur.

lrh.is

sem tilkynntu mennina til lögreglu sögðu þá vera mjög aðgangsharða og vonda við að eiga. Og fylgdi með að þessir verkamenn væru svo sérstaklega ýtnir og frekir að veruleg óþægindi hlytust af samskiptum við þá. Í framhaldinu sendi lögreglan frá sér tilkynningu, en í henni var varað við mönnum. Einhverjir höfðu þegar keypt af þeim þjónustu, en mennirnir voru enn fremur sakaðir um vanefndir og bárust embættinu kærur vegna þessa.

Um mitt sumar rannsakaði Lögreglan á höfuðborgarsvæðinu, í samvinnu við sóttvarnarlækni, mál sem átti sér enga hliðstæðu. Það sneri að karlmanni af erlendum uppruna, en hann var grunaður um að hafa smitað ungar konur af alvarlegum smitsjúkdómi. Rannsóknin fólst m.a. í því að kanna hvort fleiri konur hefðu verið í samneyti við manninn og hvort þær væru smitaðar. Krafist var gæsluvarðhalds yfir manninum á grundvelli rannsóknarhagsmuna, síbrota og hættusjónarmiða. Hann var í haldi lögreglu um tíma og var síðan úrskurðaður í fARBann. Nokkrar konur stigu fram og leituðu til lögreglu eftir að málið varð opinbert.



19. mars

RANNSÓKN Á RÁNI LOKIÐ

Í morgun barst lögreglu tilkynning frá erlendum ferðamanni sem kvaðst hafa verið rændur, greiðslukort tekið og hann neyddur til að gefa upp pin-númer. Strax var hafist handa við rannsókn málsins enda bar tilkynningin með sér að um alvarlegt mál væri að ræða. Eftir því sem málið var rannsakað kom í ljós að tilkynningin reyndist ekki í samræmi við endanlega frásögn mannsins og málið því ekki eins alvarlegt og fyrst var talið. Málið telst upplýst og rannsókn lögreglu lokið.

lrh.is

LÖGREGLAN OG SAMFÉLAGSMÍÐLAR

Á fimm árum hefur þeim fjölgað mjög sem fylgjast með Lögreglunni á höfuðborgarsvæðinu á samfélagsmiðlum, en embættið opnaði fésbókarsíðu í desember 2010. Viðtökurnar voru strax mjög góðar og vinum lögreglunnar á fésbókinni fjölgaði ört. Árið 2015 voru þeir orðnir tæplega 75 þúsund, en þessi vinsæli samskiptavefur gegnir sífellt mikilvægara hlutverki þegar upplýsingamiðlun er annars vegar. Um þriðjungur þeirra sem þarf að leita sér aðstoðar hjá embættinu kys enn fremur að gera það gegnum samfélagsmiðla. Almennt er ánægja hjá fólki að geta haft samband við lögregluna með þessum hætti, en þeir sem það gerðu voru t.d. mun ánægðari með þjónustuna en hinir sem sendu embættinu tölvupóst. Um þetta og fleira athyglisvert má lesa í viðhorfskönnun sem Lögreglan á höfuðborgarsvæðinu lét framkvæma á árinu. Embættið er líka á Instagram, en þar eru fylgjendur þess um 160 þúsund og ná vinsældirnar langt út fyrir landsteinana. Á Instagram eru birtar myndir úr starfi lögreglunnar, oft skemmtilegar og krúttlegar, en sem betur fer geta lögreglumenn slegið á léttu strengi þótt starfið sé iðulega mjög erfitt og krefjandi.

8. desember

ÓVEÐRID

Lögreglan og aðrir björgunaraðilar höfðu í nógu að snúast í óveðrinu sem gekk yfir landið í gærkvöld og nótt, en yfir tvö hundruð björgunarsveitarmenn voru að störfum á höfuðborgarsvæðinu. Um klukkan tvö í nótt höfðu borist um 200 útköll, en þá hafði veðrið að mestu gengið niður og búið var að fækka í útkallsliðinu í umdæminu. Á meðal þess sem tilkynnt var um voru hurðir og gluggar sem fuku upp, sem og klæðningar og þakkantar sem losnuðu. Viðbúið er að eitthvað sé um fok- og vatnstjón og þá skemmdust enn fremur í veðurofsanum bátar í Reykjavíkurbíó. Ekki var annað að sjá en fólk virti fyrir sig heima og er það vel. Á þessu voru einstaka undantekningar en á fjórða tímanum í nótt var maðni komið til bjargar á Rjúpnahæð í Kópavogi, en viðkomandi var orðinn ansi kaldur og hrakinn. Maðurinn var sóttur og borinn inn í lögreglubíl og í framhaldinu komið undir læknishendur.

lrh.is

Ófáar ábendingar voru birtar á fésbókarsíðu Lögreglunnar á höfuðborgarsvæðinu, oftast en ekki til að vara fólk við alls konar hættu sem var á ferðinni og sömuleiðis til að vekja athygli á svikahröppum af ýmsu sauðahúsi. Í öðrum tilvikum var óskað eftir vitnum, m.a. vegna líkamsárása, innbrota, þjófnaða og umferðarmála. Myndbirtingar á fésbókarsíðunni hafa enn fremur færst í vöxt, en í ágúst birti lögreglan myndband af skartgriparáni í Hafnarfirði. Um 60 þúsund manns sáu myndbandið, en birting þess hjálpaði til við lausn málsins. Fleiri dæmi voru um mátt fésbókarinnar, en almenn-ingur var líka mjög duglegur að koma ábendingum til lögreglu. Það átti ekki síst við um fíkniefnamál, en í einkaskilaboðum til lögreglu var bent á marga sölumenn fíkniefna.

Fésbókarsíða Lögreglunnar á höfuðborgarsvæðinu er ekki vöktuð allan sólarhringinn, en suma daga er þó óneitanlega meira líf á síðunni en venjulega. Sérstakri vakt er haldið úti ef um er að ræða stórvíðburði, t.d. Menningarnótt. Eins ef veður eru válynd, en um miðjan mars gerði óveður á höfuðborgarsvæðinu. Svo margar aðstoðarbeiðnir bárust frá almenningi að símakerfi Neyðarlínunnar fór bókstaflega á hliðina. Um tíma var ekki hægt að hringja í 112, en þá komu samfélagsmiðlar lögreglunnar að góðum notum. Í gegnum þá var bæði hægt að taka við tilkynningum og miðla upplýsingum til almennings, en um 80 þúsund manns sáu skilaboð lögreglu þennan eftirminnilega dag. Önnur lögreglulið hafa líka verið að taka samfélagsmiðla í sína þjónustu, en í nóvember stóðu bæði Lögreglan á höfuðborgarsvæðinu og lögreglan á Norðurlandi eystra að svokölluðu tíst-maráðoni. Notast var við samfélagsmiðilinn Twitter, en framtakið þótti heppnast vel.

31. desember

AFBROT Á HÖFUÐ- BORGARSVÆÐINU 2015 – BRÁÐABIRGÐATÖLUR

Lögreglustjórinn á höfuðborgarsvæðinu hefur tekið saman bráðabirgðatölur um fjölda helstu brota árið 2015. Hafa þessir tölur á þessum upplýsingum að tölur fyrir árið 2015 eiga enn eftir að breytast. Þessar upplýsingar gefa þó innsýn í það hvert stefnir.

Samkvæmt bráðabirgðatölum LRH þá kemur árið ágætlega út hvað afbrot varðar þó vart verði aukningar auðgunarbrota miðað við fyrri ár. Þá fjölga tilkynningum vegna líkamsárása milli ára en það skýrist einkum af breyttu verklagi lögreglu í heimilisofbeldismálum og fjölgun tilkynninga í kjölfarið. Flest hegningarlaga brot voru skráð á fyrsta degi ársins og síðan þann 23. ágúst og 1. maí, eða um og yfir 50 brot hvern þessara daga. Lögregla og tollur lögðu hald á meira magn fíkniefna í ár en fyrri ár. Aukningin var mest í haldlagningu á amfetamíni og kókaíni.

lrh.is

VIÐHORFSKÖNNUN

Þrátt fyrir að Lögreglan á höfuðborgarsvæðinu megi stundum sitja undir ámæli, verðskuldað eða óverðskuldað, nýtur hún mikils trausts á meðal almennings. Þetta hafa kannanir margoft sýnt, en embættið hefur sjálft staðið fyrir slíkrri viðhorfskönnun mörg undanfarin ár. Framkvæmdin er jafnan í höndum Félagsvísindastofnunar HÍ, en í henni er spurt um viðhorf til lögreglu, ótta við afbrot og reynslu af þeim. Könnunin fer fram að sumarlagi og svo var einnig árið 2015. Stuðst var við netpanel og voru spurningarnar sendar rafrænt og svörin móttækin með sama hætti. Þetta var fjórða árið í röð sem þessi háttur er hafður á, en áður svöruðu þátttakendur spurningunum jafnt í gegnum síma og rafrænt. Fyrstu árin, sem viðhorfskönnunin var framkvæmd, var spurningunum þó einvörðungu svarað í gegnum síma. Sem fyrr var viðhorfskönnun ársins að mörgu leyti jákvæð fyrir lögregluna, en hún leitar samt sífellt leiða til að gera enn betur.

Í könnuninni var notast við 2.000 manna tilviljunarúrtak fólks á aldrinum 18-75 ára af höfuðborgarsvæðinu úr netpanel Félagsvísindastofnunar. Fjöldi svarenda var 1.224 manns og svarhlutfallið því 61%. Af helstu niðurstöðum má nefna að níu af hverjum tíu íbúum á höfuðborgarsvæðinu telja lögreglu skila mjög eða frekar góðu starfi við að stemma stigu við afbrotum. Mikill meirihluti (85%) íbúa í umdæminu ber traust til lögreglu, en athygli vekur að konur bera marktækt meira traust til lögreglu en karlar. Um tveir af hverjum fimm íbúum á höfuðborgarsvæðinu leituðu eftir þjónustu eða aðstoð lögreglu. Rúmlega þriðjungur þeirra sem leitaði sér aðstoðar hringdi í Neyðarlínuna og tæpur þriðjungur nýtti samfélagsmiðla lögreglu. Mikill meirihluti (84%) þeirra sem hafði samband við lögregluna var ánægður með þá þjónustu sem hann fékk.



23. febrúar

HEIMSÓKN INNANRÍKISRÁÐHERRA

Ólöf Nordal
innanríksráðherra
heimsótti Lögregluna á
höfuðborgarsvæðinu í
síðustu viku. Ráðherrann
fór um lögreglustöðina
við Hverfisgötu, skoðaði
húsakynnin og spjallaði
við starfsmenn í hinum
ýmsu deildum. Að því
loknu tók við fundur þar
sem yfirstjórn og fleiri
stjórnendur hjá embættinu
fóru yfir stöðu mála og
kynntu ráðherranum ýmis
verkefni sem lögreglan er
að fást við.

lrh.is

EITT OG ANNAÐ

Seint á árinu voru nokkrir útkallsbilar embættisins búnir skotvopnum í öruggum hirslum, en slíkt hafði lengi tíðkast hjá öðrum lögregluliðum í landinu. Lögreglan á höfuðborgarsvæðinu hafði þó áður ráðið yfir vopnum, en þau voru geymd á lögreglustöðvum í umdæminu. Ekki var um ný skotvopn að ræða eins og einhverjir héldu og lögreglumenn voru áfram óvopnaðir við öll sín venjulegu skyldustörf. Áfram giltu mjög strangar reglur um hvenær megi grípa til skotvopna og ákvörðun um slíkt er ávallt í höndum yfirmanna hjá lögreglu. Með breytingunni gefst lögreglu færi á að bregðast fyrr við neyðarástandi sem kann að skapast þegar skotvopn koma við sögu. Notkun skotvopna hjá lögreglu á einvörðungu við þegar um neyðarástand er að ræða svo það sé undirstrikað enn frekar. Þess má geta að reglur er lúta að valdbeitingu lögreglu eru frá árinu 1999, en í þeim er m.a. fjallað um skotvopn sem höfð eru til taks í lögreglubílum.

Fjórir, ungir ökumenn skrifuðu undir Umferðarsáttmála allra vegfaranda við hátíðlega athöfn í ársbyrjun. Viðstaddur var forseti Íslands og skrifaði hann undir sem vegfarandi. Í framhaldinu bauðst öllum



30. nóvember

UMFERÐAREFTIRLITI – 262 ÖKUMENN STÖÐVAÐIR

Tvö hundruð sextíu og tveir ökumenn voru stöðvaðir í miðborginni um helgina í sérstöku umferðareftirliti lögreglunnar. Tveir þeirra reyndust ölvaðir og/eða undir áhrifum fíkniefna og eiga hinir sömu ökuleyfisviptingu yfir höfði sér. Einum til viðbótar var gert að hætta akstri en sá hafði neytt áfengis en var undir refsimörkum.

Markmið með ofangreindu átaki er að vekja athygli á þeirri hættu sem stafar af ölvunar- og fíkniefnaakstri og hvetja fólk til almennrar varkárni í umferðinni. Minnt er á viðvaranarorðin Eftir einn ei aki neinn en þau eiga alltaf við. Átakið nær að sjálfsögðu einnig til aksturs undir áhrifum lyfja en afleiðingar þess geta sömuleiðis verið skelfilegar.

lrh.is

nýjum ökumönnum að gera slíkt hið sama, en Umferðarsáttmálinn er leiðarvísir um það hvernig vegfarendur vilja hafa umferðina og hvernig umferðarmenningu þeir vilja skapa. Umferðarsáttmálinn er saminn af vegfarendum sjálfum, en að verkefninu komu einnig Lögreglan á höfuðborgarsvæðinu og Umferðarstofa (nú Samgöngu- stofa). Þess má geta að nýjum og væntanlegum ökumönnum er kynntur Umferðarsáttmáli allra vegfarenda í nýrri kennslubók til B-réttinda sem kom út á árinu.

Sú óvenjulega staða kom tvisvar upp hjá Lögreglunni á höfuð- borgarsvæðinu í október að margir lögreglumenn hjá embættinu boðuðu forföll vegna veikinda. Af þeirri ástæðu þótti einsýnt að ekki yrði unnt að sinna öllum verkefnum sem kæmu á borð lögreglu þá sömu daga. Þau sem töldust brýn og áriðandi voru sett í forgang eins og jafnan áður, en lögreglan baðst afsökunar á þeim óþæg- indum sem þetta kynni að valda borgurunum. Í sama mánuði skall á verkfall SFR, stéttarfélags í almannajónustu, en margir borgara- legir starfsmenn Lögreglunnar á höfuðborgarsvæðinu eru í félaginu. Bæði afgreiðslu og móttöku embættisins var lokað á meðan, en verkfallið hafði m.a. áhrif á innheimtu sekta hjá lögreglu.

Í september lokaði Lögreglan á höfuðborgarsvæðinu hóteli í miðborginni vegna skorts á rekstrarleyfi. Rekstraraðili hótelsins hafði ítrekað fengið fresti til að koma sínum málum í lag, en þegar

16. október

RANNSÓKN Á BRUNA – BRÁÐABIRGÐA- NIÐURSTÖÐUR

Lögreglan á höfuðborgarsvæðinu hefur rannsakað bruna sem kom upp þann 4. október síðastliðinn er eldur kviknaði í húsi við Skeljatanga í Mosfellsbæ. Talsverðar skemmdir urðu á húsnæðinu en íbúar sluppu ómeiddir.

Nú liggja bráðabirgðaniðurstöður fyrir og benda þær til þess að upptök eldsins megi rekja til rafmagnsbilunar. Ekki er grunur um að um íkveikju hafi verið að ræða.

lrh.is

á reyndi stóð hann ekki við sitt og því var ekki um annað að ræða en að loka hótelinu. Þegar til þess kom hafði gestunum verið komið annað og því neyddist enginn þeirra til að gista á lögreglustöðinni. Málið var ekki einsdæmi, en fleiri slík komu í ljós við reglubundið eftirlit lögreglu með leyfaskyldri starfsemi. Þannig var fimm veitinga- húsum í miðborginni lokað um miðjan júní, en rekstrarleyfi þeirra allra var útrunnið.

Tilkynningum um skotvopn er tekið mjög alvarlega, en á fyrri hluta ársins bárust lögreglu ábendingar um hugsanlega skothvelli í íbúð í Kópavogi. Viðbúnaður lögreglu var mikill og sérsveit ríkislögreglu- stjóra kölluð til. Götum í nágrenninu var lokað og íbúar hvattir til að vera innandyra. Um síðir kom í ljós að enginn var íbúðinni, en þar var lagt hald á skotvopn og skotfæri. Síðar á árinu var nokkrum götum lokað í Hafnarfirði, en í íbúð í bænum var maður með skotvopn og bárust tilkynningar um skothvelli á svæðinu. Sérsveit ríkislögreglustjóra var aftur kölluð til og handtók hún manninn, en hann átti sér sögu um ofbeldi.





30. mars

FYRIRMYNDARAKSTUR Í HVALFJARÐARGÖNGUM

Næstum allir ökumenn voru til fyrirmyndar þegar lögreglan var við hraðamælingar í Hvalfjarðargöngum á föstudag. Fylgst var með ökutækjum sem var ekið Hvalfjarðargöng í norðurátt, við Guðlaugu. Á einni klukkustund, eftir hádegi, fóru 190 ökutæki þessa akstursleið og var þeim öllum nema einu, ekið á löglegum hraða en þarna er 70 km hámarkshraði. Hinn brotlegi mældist á 82 km hraða.

Vöktun lögreglunnar í Hvalfjarðargöngum er liður í umferðareftirliti hennar á höfuðborgarsvæðinu.

lrh.is

ÁHERSLU- OG SKIPULAGSBREYTINGAR

Nýtt skipurit tók gildi hjá Lögreglunni á höfuðborgarsvæðinu 9. júlí 2015. Eldra skipurit hafði gilt frá árinu 2009, en margt hafði breyst frá þeim tíma, bæði hjá embættinu, en ekki síður í þjóðfélaginu. Skráðum brotum fækkaði, en eðli þeirra breyttist. Brot verða flóknari og skipulagðari og lögreglan verður að takast á við þennan veruleika. Nýtt skipurit er liður í að mæta nýjum áskorunum. Alþjóðavæðing, tækniþróun og breytt samfélagsmynstur gerir meiri kröfur til lögreglu en áður. Undirbúningur fyrir breytingar hjá embættinu hófst á seinni hluta ársins 2014, en kappkostað var að vanda vel til þeirra. Segja má að starfsmenn lögreglunnar séu öllu vanir þegar breytingar eru annars vegar og rétt að rifja upp að lögregluliðin á höfuðborgarsvæðinu voru sameinuð í eitt 1. janúar 2007. Síðan hefur mikið vatn runnið til sjávar, en grundvallarmarkmið lögreglunnar þó haldist hin sömu og áður.

Eitt af meginmarkmiðunum með nýju skipuriti Lögreglunnar á höfuðborgarsvæðinu er að bæta þjónustu hennar. Jafnframt að nýta betur fjármuni embættisins, stytta boðleiðir og auka starfs-

29. október

ÚTKALL Í SÍÐUMÚLA

Um hádegisbil barst tilkynning um eiturefnaleka í húsi við Síðumúla í Reykjavík og brugðust lögregla og slökkvilið hratt við og héldu þegar á vettvang. Sem betur fer reyndist ekki um eiturefnaleka að ræða heldur mátti rekja óþægindi nærstaddra til þess að gólf á staðnum hafði verið málað með Epoxy-lakki kvöldinu áður.

lrh.is

ánægju þeirra sem þar vinna. Mörg verkefni bíða lögreglunnar, en ástæða er til að nefna sérstaklega þær áskoranir sem hún stendur frammi fyrir þar sem netglæpir eru annars vegar. Lögreglan á höfuðborgarsvæðinu sér um rekstur tækni- og tölvurannsóknadeildar á landsvísi og þar ríður á að byggja upp frekari þekkingu. Aðrar löggæslustofnanir geta líka lagt lóð á vogarskálarnar og mikilvægt að svo verði. Með nýju skipuriti hefur enn fremur orðið sú breyting að skilið var á milli rannsóknardeilda og ákærusviðs hjá embættinu. Að síðustu verður að geta breytinga á verklagi vegna heimilisofbeldismála sem koma til rannsókna hjá Lögreglunni á höfuðborgarsvæðinu, en um þær er fjallað í kaflanum *Saman gegn ofbeldi*.



REKSTUR

Erfiðlega gekk að láta enda ná saman í rekstri Lögreglunnar á höfuðborgarsvæðinu árið 2015, en það eru því miður ekki nein ný tíðindi. Embættið hefur glímt við uppsafnaðan rekstrarhalla um langt skeið og á því varð engin breyting þetta árið. Ástæður þessa eru mikill niðurskurður undanfarin ár, en minni fjárveitingar gera Lögreglunni á höfuðborgarsvæðinu erfitt fyrir. Niðurskurður á starfstíma embættisins nemur hundruðum milljóna og hefur áður verið til umfjöllunar á þessum vettvangi. Laun starfsmanna voru 81% af rekstrarkostnaði Lögreglunnar á höfuðborgarsvæðinu árið 2015, en það er sama hlutfall og á fyrsta starfsári embættisins 2007.

Áætlun embættisins fyrir árið 2015 gerði ráði fyrir að rekstur innan ársins yrði í jafnvægi, en krafan um niðurskurð þetta árið var um 56 m.kr., sem er meira en 1% fjárheimilda. Til viðbótar lækkuðu fjárheimildir Lögreglunnar á höfuðborgarsvæðinu um 5 m.kr. vegna flutnings leyfaútgáfu til sýslumanns og um 20 m.kr. þar sem tímabundin fjárveiting til rannsókna kynferðisbrota féll niður. Að öllu samanlögðu varð niðurstaðan tæplega 30 m.kr. halli á rekstri embættisins, eða um 0,7% frávik frá fjárheimildum. Uppsafnaður rekstrarhalli Lögreglunnar á höfuðborgarsvæðinu hækkaði sem því nam, eða í um 146 m.kr., en það er um 3,8% frávik frá fjárheimildum ársins. Framan af stefndi í meiri hallarekstur, en með markvissum aðgerðum tókst að minnka hann.

Samhliða niðurskurði kom til framkvæmda breytt verklag, samkvæmt verklagsreglum embættis ríkislögreglustjóra, við afgreiðslu heimilisofbeldismála. Það kostaði Lögregluna á höfuðborgarsvæðinu um 50 m.kr. Aukinn kostnaður vegna sumarafleysinga lögreglu-

manna var 30 m.kr, en áður greiddi Lögregluskólinn grunnlaun lögreglunema sem komu til starfa. Af sérstökum ástæðum voru engir lögreglunemar við sumarafleysingar hjá embættinu sumarið 2015. Að síðustu má nefna kostnað sem féll til vegna húsnæðismála, 35 m.kr., og endurnýjunar öryggisbúnaðar, 10 m.kr.

Tafla 1 - Rekstur ársins 2015 - fjárhæðir í þ.kr.

	Áætlun	Endursk. áætl.	Uppgjör
Rekstur	3.877.960	3.981.499	4.011.077
Fjárheimildir	3.878.000	3.981.600	3.981.600
Mism.	40	101	(29.477)
Eigið fé 31.12.14	(131.129)	(116.937)	(116.937)
Rekstrarniðurstaða (eigið fé 31.12.15)	(131.089)	(116.836)	(146.414)
Frávik m.v. fjárheimildir	-3,5%	-3,0%	-3,8%




Tafla 2 - Rekstrarreikningur í þ.kr. Uppgjör 2015

	2015	2014
Tekjur		
Sértekjur	95.387	60.972
	<u>95.387</u>	<u>60.972</u>
Gjöld		
Launakostnaður	3.339.795	3.163.838
Ferðir o.fl.	60.083	48.793
Rekstur	102.700	86.183
Þjónusta	158.901	157.341
Húsnæði	229.218	229.431
Bifreiðar	186.238	181.181
Skattar, fjármagnskostn.	1.534	1.767
Tilfærslur	1.743	1.054
	<u>4.080.212</u>	<u>3.869.589</u>
Eignakaup	26.251	34.080
	<u>4.106.464</u>	<u>3.903.668</u>
Tekjuhalli fyrir ríkisframlag	(4.011.077)	(3.842.696)
Ríkisframlag	3.981.600	3.830.434
Tekjuafgangur (-halli) tímabils	(29.477)	(12.262)

Skipting rekstrarkostnaðar

	2015	%
Laun	3.339.795	81%
Annar rekstrarkostnaður	766.669	19%
	4.106.464	100,00%



Mynd 1. Hlutfallsleg skipting rekstrarkostnaðar 2015



Viðaukar

Tafla 3 - Útsend sektarboð og sektargerðir árið 2015

	Sektarboð	Sektargerð	Greiðsluseðill	Tilkynning
Útsend	1.462	1.456	3.387	10.212
Greidd	1.342	573	2.917	9.914

Tafla 4 - Fjöldi lögreglumenntaðra starfsmanna og annarra starfsmanna í lok janúar 2016 eftir skipulagseiningum

Skipulagseining	Borgarlegir starfsmenn	Lögreglumenn	Alls
Yfirstjórn	6	4	10
Innri endurskoðun	0	2	2
Skrifstofa lögreglustjóra	2	2	4
Aðgerðadeild	0	29	29
Almenn deild	7	177	184
Rannsóknardeild	0	46	46
Stoðdeild	5	16	21
Ákærudeild	16	1	17
Fjármála og upplýsingatækni	7	1	8
Stoðþjónusta og greining	32	7	39
Starfsmannamál	4	0	4
Samtals við störf	79	285	364
Fæðingarorlof	2	6	8
Veikindi	0	0	0
Alls starfsmenn	81	291	372

Tafla 5 - Fjöldi starfsmanna í lok janúar 2016 eftir kyni og skipulagseiningum

Skipulagseining	Karl	Kona	Samtals
Yfirstjórn	6	4	10
Innri endurskoðun	2	0	2
Skrifstofa lögreglustjóra	0	4	4
Aðgerðadeild	28	1	29
Almenn deild	147	37	184
Rannsóknardeild	39	7	46
Stoðdeild	19	2	21
Ákærudeild	8	9	17
Fjármála og upplýsingatækni	5	3	8
Stoðþjónusta og greining	12	27	39
Starfsmannamál	0	4	4
Samtals við störf	266	98	364
Fæðingarorlof	0	8	8
Veikindi	0	0	0
Alls starfsmenn	266	106	372

Tafla 6 - Fjöldi lögreglumanna í lok janúar 2016 eftir kyni og skipulagseiningum

Skipulagseining	Karl	Kona	Samtals
Yfirstjórn	4	0	4
Innri endurskoðun	2	0	2
Skrifstofa lögreglustjóra	0	2	2
Aðgerðadeild	28	1	29
Almenn deild	142	35	177
Rannsóknardeild	39	7	46
Stoðdeild	15	1	16
Ákærudeild	1	0	1
Fjármála og upplýsingatækni	1	0	1
Stoðþjónusta og greining	7	0	7
Starfsmannamál	0	0	0
Samtals við störf	239	46	285
Fæðingarorlof	0	6	6
Veikindi	0	0	0
Alls starfsmenn	239	52	291

Tafla 7 - Fjöldi borgaralegra starfsmanna í lok janúar 2016 eftir kyni og skipulagseiningum

Skipulagseining	Karl	Kona	Samtals
Yfirstjórn	2	4	6
Innri endurskoðun	0	0	0
Skrifstofa lögreglustjóra	0	2	2
Aðgerðadeild	0	0	0
Almenn deild	5	2	7
Rannsóknardeild	0	0	0
Stoðdeild	4	1	5
Ákærudeild	7	9	16
Fjármála og upplýsingatækni	4	3	7
Stoðþjónusta og greining	5	27	32
Starfsmannamál	0	4	4
Samtals við störf	27	52	79
Fæðingarorlof	0	2	2
Veikindi	0	0	0
Alls starfsmenn	27	54	81

Tafla 8 - Lykiltölur starfsmannamála

Heildarfjöldi starfsmanna við lok janúar 2016	366
Fjöldi ársverka 2015	352,55
Hlutfall kvenna af lögreglumönnum	18,00%
Hlutfall kvenna af borgaralegum starfsmönnum	67,00%
Hlutfall tapaðara vinnustunda vegna veikinda	8,31%
Starfsmannavelta * lögregla	9,30%
Starfsmannavelta * borgarar	3,90%
Fjöldi lögreglumanna í launalausum leyfi í árslok	6



Tafla 9 - Handtökur og vistanir árin 2012, 2013, 2014 og 2015

	2012	2013	2014	2015
Handtökur				
Fjöldi handtaka	3.841	4.319	4.526	3.922
Fjöldi einstaklinga	2.472	2.600	2.661	2.430
Vistanir				
Fjöldi vistana	2.200	2.545	2.475	2.555
Fjöldi einstaklinga	1.326	1.392	1.415	1.486

Tafla 10 - Handtökur eftir mánuðum árin 2012, 2013, 2014 og 2015

	2012	2013	2014	2015
Janúar	271	287	364	279
Febrúar	312	288	358	314
Mars	371	329	425	298
Apríl	327	328	408	307
Mái	370	370	453	396
Júní	338	392	411	356
Júlí	309	368	368	375
Ágúst	318	368	386	348
September	295	434	316	351
Október	309	423	330	294
Nóvember	288	398	381	318
Desember	333	334	326	286
Samtals	3.841	4.319	4.526	3.922

Tafla 11 - Handtökur eftir vikudögum árin 2012, 2013, 2014 og 2015


	2012	2013	2014	2015
Mánudagur	381	498	453	439
Priðjudagur	434	478	513	456
Miðvikudagur	424	455	508	439
Fimmtudagur	491	526	548	500
Föstudagur	471	579	574	505
Laugardagur	791	880	1.048	750
Sunnudagur	849	903	882	833
Samtals	3.841	4.319	4.526	3.922

Tafla 12 - Vistanir eftir mánuðum árin 2012, 2013, 2014 og 2015

	2012	2013	2014	2015
Janúar	181	182	189	176
Febrúar	192	179	226	213
Mars	266	174	234	194
Apríl	180	179	219	183
Mái	179	220	251	252
Júní	178	241	184	210
Júlí	170	214	192	231
Ágúst	170	223	213	244
September	157	277	182	240
Október	156	244	195	225
Nóvember	166	222	211	208
Desember	205	190	179	179
Samtals	2.200	2.545	2.475	2.555

Tafla 13 - Vistanir eftir vikudögum árin 2012, 2013, 2014 og 2015

	2012	2013	2014	2015
Mánudagur	245	316	249	303
Þriðjudagur	282	293	307	321
Miðvikudagur	273	291	289	299
Fimmtudagur	298	340	319	325
Föstudagur	257	337	297	328
Laugardagur	409	476	549	458
Sunnudagur	436	492	465	521
Samtals	2.200	2.545	2.475	2.555



Mynd 2 - Þróun í fjölda handtaka og vistana 2008–2015



Lögreglustjórinn á höfuðborgarsvæðinu - Hverfisgötu 113-115
150 Reykjavík - Sími: 444 1000 - Fax: 444 1015 - www.lrh.is
www.facebook.com/logreglan

Lögreglustöðvar á höfuðborgarsvæðinu

Hverfisgötu 113-115
105 Reykjavík

Vínlandsleið 2-4
113 Reykjavík

Dalvegi 18
201 Kópavogi

Flatahrauni 11
220 Hafnarfirði

Neyðar- og aðstoðarsími lögreglu er 112